

增補
評點

史記評林

第三冊

風陵文庫
文庫19
F 28
3



增補史記評林卷之四

吳興凌雅隆輯校 溫陵李光緒增補 崑山歸有光評點 桐城方苞 增評

周本紀第四

周后稷名弃 正義曰因太王所居周原因號曰周地理志云右扶風美陽縣岐山西北中水鄉周太王所邑括地志云故周城一名美陽城在雍州武功縣西北二十五里即太

其母有邠氏女 正義曰邠天來反亦作豳同說文云邠炎帝之後姜姓封邠周弃外家 曰姜原 韓詩

見巨人蹟心欣然說欲踐之踐之而身動如孕者居期而生子 索隱曰譙周以為弃帝嚳之胃其父亦不著與此紀異也 姜原出野

以為不祥弃之隘巷 索隱曰已下皆詩大雅生民篇所云誕寘之隘巷牛羊腓字之誕寘之平林會伐平林誕寘之寒水鳥覆翼之是其事也

馬牛過者皆辟不踐徙置之林中適會山林多人遷之而弃渠

中冰上飛鳥以其翼覆薦之姜原以為神遂收養長之初欲弃

之因名曰弃 正義曰古史考云弃帝嚳之胃其父亦不著與此文稍異也 弃為兒時屹如巨人之志

其游戲好種樹麻菽美及為成人遂好耕農相地之宜宜

穀者稼穡焉 正義曰種曰稼飲曰穡 民皆法則之帝堯聞之舉弃為農師天

下得其利有功帝舜曰弃黎民始飢 徐廣曰今文尚書云祖飢故此作始飢祖始也 爾后稷播

按史通云姬自后稷至于西伯爵乃諸侯而名隸本紀合以西伯以上別作周世家
按白虎通云周者至也密也道德周密無所不至也
胡一柱曰后稷後世王天下數百年學者欲神其事故附會其說不知血氣之類父施母生聖愚所同也何必有詭譎誦誕之事然後為聖且賢哉
張之家曰前詳叙弃之事從容委曲文勢舒緩未復著初欲弃之一語接下因名曰弃則又勢緊峭有力

增補史記評林

卷四

周本紀

鳳文館藏

F0028-(3)

遺道曰遵后稷公劉之業則古空司土司寇典司五衆築城郭室屋而邑別居之徐廣曰分別而作五官有司禮記曰天子之五

公有長子曰太伯次曰虞仲太姜生少子季歷呂四國皆姜姓也四岳

皆賢婦人正義曰列女傳云太姜太王娶以為妃生太伯仲雍王季

有聖瑞正義曰尚書帝命驗云季秋之月甲子赤爵銜丹書入于鄴止于昌戶其書云敬

與者其在昌乎長子太伯虞仲知古公欲立季歷以傳昌乃二

人亡如荆蠻正義曰太伯奔吳所居城在蘇州北五十里常州無錫縣界梅里村其城

古公卒季歷立是為公季公季修古公遺道篤於行義諸侯順

之公季卒皇甫謚曰葬郭子昌立是為西伯西伯曰文王正義曰帝王世

虎眉身長十尺有四乳維書靈聽云蒼帝姬昌應前居後劉古公季

之法篤仁敬老慈少禮下賢者日中不暇食以待士士以此多

歸之伯夷叔齊在孤竹應劭曰在遼西令支○正義曰括地志云孤竹故城聞

西伯善養老蓋往歸之太顛閎夭散宜生鬻子辛甲大夫之徒

皆往歸之劉向別錄曰鬻子名熊封於楚辛申故殷之臣專紂蓋七十五諫而不聽去至

不利於帝帝紂乃囚西伯於羑里閎夭之徒患之乃求有莘氏

美女正義曰括地志云古契國城在同州河西縣南二十里世本云驪戎之文馬正義

此一物足以釋西伯索隱曰一物謂契氏之美女也况其多乎乃赦西伯

賜之弓矢斧鉞使西伯得征伐曰諧西伯者崇侯虎也西伯乃

獻洛西之地以請紂去炮烙之刑紂許之西伯陰行善諸侯皆

年成都而民五倍其初

張之象曰太姜固太伯虞仲季歷母

也此獨曰太姜生少子季歷者蓋季

歷取太任婦姑相繼故下以皆賢婦

八一句統之

王釐曰荆人來聘己書之經何言秦

諱作正義者其未

讀春秋乎

揚慎曰據太史公書契至湯十三世

后稷至文王十四世夫稷契何時而

其子孫傳世之長短可疑也契至湯

四百餘年而傳世十三是矣稷至文

王一千一百年而傳世止十四有是

理乎凡史傳所紀世次皆不可信

增補史記平本

卷四

周本紀

三

二鳳文館藏

避紂之事皆言
之使果有扣馬之
諫豈有置古今之
奇節于絕口不道
者

王世貞曰文王之
安於囚也臣道也
太公散宜生之以
術始紂也亦臣道也
何孟春曰紂囚西
伯而閔夫之徒以
有莘氏美女獻紂
紂大悅乃赦西伯
或曰西伯之聖聞
天之徒之賢乃以
不正之路而求贖
有此事乎嗚呼紂
之不可理回久矣
此聖人權道所係
也謂有此事可也
方孝孺曰姜里之
事不經見史所稱
獻美女善馬之說
皆好事者意構之
詞恐非其實也
沈約曰文王受命九年大統未集蓋得專征伐受命自此年始○邵實曰按靈臺靈沼戒令勿
龜七十里之園與民同之皆文王事也以是為陰號謂之陽戰國策士以私意窺聖人一至于此而馬氏信之謬

來決平於是虞芮之人
地理志虞在河東太陽縣芮在馮翊臨晉縣○正義曰括
地志云故虞城在陝州河北縣東北五十里虞山之上古
虞國也故芮城縣西二十里古芮國也晉太康地記云虞西四十里有芮城括地志云又問
原在河北縣西六十五里詩云虞芮質厥成毛萇云虞芮之君相與爭田久而不平乃相謂曰
西伯仁人盍往質焉乃相與朝周二國君相謂曰我等小人不可履君子之庭乃相讓所爭地
以為間原至今尚在註引地理志芮在臨晉者恐疎然間原在河東復與虞芮相接臨晉在河
西同州非臨晉
芮城明矣

有獄不能決乃如周入界耕者皆讓畔民俗皆讓長
虞芮之人未見西伯皆慙相謂曰吾所爭周人所耻何往為祗
取辱耳遂還俱讓而去諸侯聞之曰西伯蓋受命之君明年伐
大戎山海經曰有八人面獸身名曰犬戎○正義曰又云黃帝生苗龍苗龍生融吾融吾生
弄明弄明生白犬白犬有一是為犬戎說文云赤狄本犬種故字從犬又後漢書云犬
戎槃瓠之後也今長沙武陵之郡大半
是也又毛詩疏云犬戎昆夷是也
明年伐密須應劭曰密須氏姓之國齊曰安
定陰密縣是○正義曰括地志云
密須國在涇州鶡鶒縣西其東接縣城即古
密國杜預云姑姓國在安定陰密縣也
明年敗者國徐廣曰一作阮○正義曰
即黎國也鄭誕生云本或
在潞州黎城縣東北十八里尚書云西伯既殲黎是也
殷之祖伊聞之懼以告
帝紂紂曰不有天命乎是何能為明年伐邢徐廣曰邢城在野王縣西
北音于○正義曰括地志
云故邢城在懷州河內縣西北二十七里古邢
國城也左傳云邢晉應韓武王之穆也
明年伐崇侯虎正義曰皇甫謐云夏經
封虞夏商周皆有崇國
皆好事者意構之詞恐非其實也

矣王直曰史遷歷言文王武王志在傾商累年伺間備極形容文字既工蓋入耳且學古之士无所折衷則或
兩是之曰武王之事不可以已而夷齊則為方世立君臣之大義也昌黎韓公之論是已其偏信者則夷齊于武
王謂之弑君孔子取之蓋深罪武王也眉山蘇公之論是已嗚呼此事孔孟未嘗言而史遷安得此歟方孝孺
曰崇侯之事遠不可知其詳矣吾意其人必比凶黨惡不供職于天子而侵害其輿圖故西伯伐之必不以其
已也不然西伯嘗伐大戎密及者矣則此四國者又豈皆諸西伯者耶周洪謨曰按繫辭下傳曰作易者其有
憂慮乎言文王因有憂慮而後作易也觀下文迭陳九封之德以明處憂慮之道與史所謂昌退而修德者合則
知文王演易不在姜里明矣按考要云詩曰虞芮質厥成又曰文王受命並未嘗言獨王也若其改元之事在
列國又有然者非自謂受命輒更王號也按考要云文王之得諡太王王季之追王皆武王克商以後事舊史
所傳不同而史
遷失于參考耳

許相卿曰上已過
接武王矣復覆說
文王一段至此最
是奇特不可捉摸
處

崩徐廣曰文王九十七乃崩○正義曰括地志云周
文王墓在雍州萬年縣西南二十八里原上也
太子發立是為武王西伯
蓋即位五十年其囚姜里姜里易之八卦為六十四卦正義曰乾
皇策者義益卦演德者文成命者孔也易正義云伏羲制卦文王卦辭周公爻辭孔子十翼也按
太史公言蓋者乃疑辭也文王著演易之功作周紀方贊其美不敢專定重易故稱蓋也

詩人道西伯蓋受命之年稱王而斷虞芮之訟正義曰二國相讓後諸
侯歸西伯者四十餘國
咸尊西伯為王蓋此年受命之年稱王也帝王世紀云文王即位四十二年歲在鴉火文王更
為受命之元年始稱王矣又毛詩云文王九十七而終終時受命九年則受命之元年八十
九也後十年而崩正義曰十當為
也後十年而崩九其說在後謚為文王正義曰諡法經
改法度制正朔
矣追遵古公為太王公季為王季正義曰易緯云文王受命改正朔有王號
於天下鄭玄信而用之言文王稱王已改

周本紀
四

增補口已平水

卷四

周本紀

四

增補口已平水

補方苞曰文王無受命稱王之事歐陽公朱子辨之甚明史公蓋據大雅有聲之詩文王受命而誤為此說也其實伐崇斷虞芮之訟乃方伯之職詩所謂受命者乃方伯之命耳其曰文王則詩人追稱觀詩於文王稱王后於武王始稱皇王即已可見受命稱王之說妄矣林有室曰畢謂畢星古無墓祭馬融註誤耳

正朔布王號矣按天無二日土無二王豈殷紂尚存而周稱王哉若文王自稱王改正朔則是功業成矣武王何復得云大勳未集欲卒父業也禮記大傳云牧之野武成大舉而退追王太王宣父王季歷文王昌據此文乃是追蓋王瑞自太王興正義曰古公在邠被戎狄攻戰奪民太王曰民之在公仁亦多歸之乃敗戎狄之俗為室屋邑落而分別居之季歷又生昌有聖瑞蓋是王瑞自太王時而興起也然自西伯蓋即位五十年以下至太王興在西伯崩後重述其事為經傳不同不可全棄乃略而書之引次其事必可疑故數言蓋也武王即位正義曰諡法克定禍亂曰武春秋元命包云武王崩齒是謂剛強也

太公望為師周公旦為輔召公畢公之徒左右士師修文王緒業九年武王上祭于畢馬融曰畢文王墓地名也○索隱曰按文云上祭于畢則畢天星之名畢星主兵故師出而祭畢星也○正義曰上音時掌反尚書武成篇云我文考文王誕膺天命以撫方夏惟九年大統未集太誓篇序云惟十有一年武王伐殷太誓篇云惟十有三年春大會于孟津大戴禮云文王十五而生武王則武王少文王十四歲矣禮記文王世子云文王九十七而終武王九十三而終按文王崩時武王已八十三矣八十四即位至九十三崩武王即位適滿十年言十三年伐紂者續文王受命年欲明其辛父業故也金縢篇云惟克商二年王有疾不愈按文王受命九年而崩十一年武王服闋觀兵孟津十三年克紂十五年有疾周公請命王有瘳後四年而崩則武王年九十三矣而太史公云九年王觀兵十一年伐紂則以為武王即位年數與尚書違甚疎矣東觀兵至

于盟津徐廣曰譙周云史記武王十一年東觀兵十三年克紂為文王水主載以車中軍武王自稱太子發言奉文王以伐不敢自專乃告司馬司徒司空諸節馬融曰諸受符節有司也齊粟信哉予無知以先祖有德臣小子受先功徐廣曰

相印誅夫武王且不稱王安有西伯稱王之理哉按詩曰維師尚父詩說曰師之尚之父之故曰師尚父

陳子桎曰按微子箕子比干尚在微子維繫人心迨微子奔比干殺箕子囚民望既絕無復可冀故伐之耳

王鑿曰孟子于太誓不盡信太史公乃取異書入此更難信

小子受先功畢立賞罰以定其功遂興師師尚父號曰鄭玄曰號今之軍法重者總爾眾庶與爾舟楫後至者斬武王渡河中流白魚躍入王舟中馬融曰魚者介鱗之物兵象也白者殷家之正色言殷之兵眾與周之衆也○索隱曰此已下至火復王屋為鳥皆見周書及今文泰誓武王俯取以祭既渡有火自上復于下至于王屋流為鳥其色赤其聲魄云馬融曰所居屋流行也魄然安定意也鄭玄曰書說云鳥有孝名武王卒父大業故鳥瑞臻赤者周之正色也○索隱曰按今文泰誓流為鸛鸛鸞鳥也馬融云明武王能伐紂鄭玄云鳥是孝鳥言武王能終父業亦各隨文而解也是時諸侯不期而會盟津者八百諸侯諸侯皆曰紂可伐矣武王曰女未知天命未可也乃還師歸居二年聞紂昏亂暴虐滋甚殺王子比干囚箕子太師疵少師彊抱其樂器而奔周於是武王徧告諸侯曰殷有重罪不可以不畢伐徐廣曰乃遵文王遂率戎車三百乘虎賁三千人孔安國曰虎賁勇士稱也若虎賁言其猛也甲士四萬五千人以東伐紂十一年十二月戊午師畢渡盟津正義曰盡從河南渡河北諸侯咸會曰孳孳無怠武王乃作太誓告于眾庶今殷王紂乃用其婦人之言自絕于天毀壞其三正馬融曰動逆天地人也○正義曰按三正三統

也周以建子為天統殷以建丑為地統夏以建寅為入統也。離邊其王父母弟。鄭玄曰王父母弟祖父母之族必言母弟舉親者言之也。斷弃其先祖之樂乃為淫聲用變亂正聲怡說婦人。徐廣曰怡今予發維共行天罰勉哉夫子。鄭玄曰夫子大夫之稱。不可再不可三二月

甲子昧爽。徐廣曰一作正此建丑之月殷之正月周之二月也。○孔安國曰昧冥也爽明蚤旦也。武王朝至于商郊牧

野乃誓。孔安國曰發亥夜陳甲子朝誓之。○正義曰括地志云衛州城故老云周武王伐

紂於野也括地志又云紂都朝歌在衛州東北七十三里朝歌故城是也。武王左杖

黃鉞右秉白旄以麾。孔安國曰鉞以黃金飾斧左手杖鉞示

人。孔安國曰武王曰嗟我有國家君。馬融曰冢司徒司馬司空亞旅

師氏。孔安國曰亞次旅眾大夫也其千夫長百夫長。師帥卒帥及庸蜀羌

髡微纘彭濮人。孔安國曰八國皆蠻夷戎狄羌在西蜀叟髡微在巴蜀纘彭在西北庸

姚府以南古髡國之地戎府之南古微纘彭三國之地濮在楚西南有髡州微濮州瀘州彭州

言牝雞無晨牝雞之晨惟家之索。孔安國曰索盡也喻婦人知今殷王

○董鼎曰此臨戰誓師之詞先杖鉞秉旄肅已之容稱戈比于立示肅入之容然後發命自古人有言至恭行天罰所以聲罪致討而激士卒之義自今日至止齊焉所以明審法今而示行陣之禮自勉我以下又勉之臨陣之勇無眾之仁蓋謹畏戒懼如此蔡沈曰此篇嚴肅而溫厚與湯普諾相表裏真聖人之言也秦晉武成一篇之中似非盡出一

紂維婦人言是用自弃其先祖肆祀不答。鄭玄曰肆祭名昏弃其家國遺其王父母弟不用乃維四方之多罪逋逃是崇是長是信是使。孔安國曰言紂弃其賢臣而尊俾暴虐于百姓以姦軌于商國今予發維共行天之罰今日之事不過六步七步乃止齊焉。孔安國曰不過六步七步乃止相齊言當旅進一心也。夫子勉哉不過於四伐五伐六伐七伐乃止齊焉。孔安國曰伐謂擊刺也少則四五多則六七以為例也。勉哉夫子尚桓桓。鄭玄曰威如虎如羆如豺如離。徐廣曰此訓與離同。于商郊不禦克特以役西土。鄭玄曰禦禦謂疆暴也克殺也不得暴殺紂師之奔走者當之役也。勉哉夫子爾所不勉其子爾身有戮。鄭玄曰所所聞而復。以大卒馳帝紂師。徐廣曰帝一作商。○正義曰大卒謂戎車三百五十乘士卒二萬六千二百五十人有虎賁三千人

紂師雖眾皆無戰之心。心欲武王亟入。紂師皆倒兵以戰以開

人之口豈獨此篇為全書乎。○陳經曰文王化行江漢自北而南故八國皆來助舉其遠則近者可知。○孫覺曰秦晉言紂之惡終於悅婦人我誓之言紂之惡始於用婦言豈非紂之始終出於此乎。○王炎曰六步七步足法也六伐七伐手法也使止齊者使王軍之手足如一人然上止齊戒其輕進下止齊戒其貪殺。○陳大猷曰丘貴武勇又貴節制武王慮其拘故喻以虎賁之勇又慮過於勇而妄殺故以殺降為戒言能奔來降者勿迎擊之

以勞役我西土之人也註非
方孝儒曰牧野之兵非武王之志也
聖人之不幸也當是時使紂悔過遷善武王必不與師而踰孟津及紂兵已北使紂不死而降武王必將封之以百里之邑俾奉其宗廟必不忍加兵于其身也況紂已死乎吾意武王見紂之死也不歸而哭則命商之羣臣以禮葬之矣豈復有餘怒及其既死之身乎漢高祖魏文帝皆中材之主然高祖猶能不殺子嬰文帝猶能奉山陽終其身會謂武王聖人而忍其君至此乎吾是以知斬首三射之

武王武王馳之紂兵皆崩畔紂紂走反入登于鹿臺之上蒙衣其珠玉正義曰衣音於既反周書云甲子夕紂取天智玉琰五環身以自焚注天智玉之善者縈環其身自厚也凡焚四十五也庶玉則銷天智玉不銷紂身不盡也
自燔于火而死武王持大白旗以麾諸侯諸侯畢拜武王武王乃揖諸侯正義曰武王率諸侯伐天子天子已死諸侯畢賀故武王揖諸侯言先折其心也諸侯畢從武王至商國正義曰謂至朝歌商國百姓咸待於郊於是武王使羣臣告語商百姓曰上天降休商人皆再拜稽首武王亦答拜索隱曰武王雖以臣伐君頗有失辭耳尋上文諸侯畢拜賀武王武王尚宜報揖無容遂下拜商人遂入至紂死所武王自射之三發而後下車以輕劍擊之正義曰周書作輕呂擊之輕呂劍名也以黃鉞斬紂頭懸太白之旗已而至紂之嬖妾二女二女皆經自殺武王又射三發擊以劍斬以玄鉞司馬法曰夏執玄鉞宋均曰玄鉞用鐵不磨礪縣其頭小白之旗武王已乃出復軍其明日除道修社及商紂宮及期百夫荷罕旗以先驅前驅有罕九旒雲罕東京賦曰雲罕九旒薛綜曰旒旗名武王弟叔振鐸奉陳常車周公旦把大鉞畢公把小鉞以夾武王散宜生太顛閎夭皆執劍以衛武王既入立

說乃戰國之妄言
楊慎曰武王伐紂為天下除暴也紂已死矣又斬以黃鉞而懸之白旗何悖邪賈子言紂死皆進蹴之武王使人惟而守之猶不也此近于事理矣太史公之輕信汲冢書故有此說

于社南大卒之左右畢從毛叔鄭奉明水周禮曰司烜氏以鑑取明水於月鄭玄曰鑑鏡屬也取月之水欲得陰陽之潔氣陳明水以為玄酒○索隱曰明明水也舊本皆無水字今本有水字若惟云奉明其義未見不知是明何物也煇音毀衛康叔封布茲徐廣曰茲者籍席之名諸侯病曰負茲○索隱曰茲一作茲公明草也言茲舉成器言茲見潔草也召公奭贊米正義曰贊佐也承幣也師尚父牽牲尹佚筮祝曰正義曰尹佚讀筮書祝文以祭社也殷之末孫季紂正義曰周書作末孫受德受德紂字受天孫受德受德紂字命武王又再拜稽首乃出封商紂子祿父殷之餘民武王為殷初定未集乃使其弟管叔鮮蔡叔度相祿父治殷正義曰地理志云河內殷之舊都周既滅殷分其畿內為三國詩邶鄘衛是邶以封紂子武庚鄘管叔尹之衛蔡叔尹之以監殷民謂之三監帝王世紀云自殷都以東為衛管叔監之殷都以西為鄘蔡叔監之都以北為邶霍叔監之是為三監按二已而命召公釋箕子之囚徐廣曰釋一作原命畢公釋百姓之囚表商容之間命南宮括散鹿臺之財發鉅橋之粟以振貧弱萌隸命南宮括史佚展九鼎保玉徐廣曰保一作寶命閎夭封比干之墓正義曰封謂益其土及畫疆界括地志云比干墓在衛州汲縣北十里二百五十步命宗祝享祠于軍乃罷兵西

按此下凡六用命字當玩
按尚書大傳云商民曰王之于久也死者猶封其墓況其生者

增補史記平水
卷四
周本紀
七
鳳文會集

乎王之才賢也
亡者猶表其廬
况其存者乎王
之于財也聚者
猶散之况其復
籍者乎

按此下凡十用
於字當玩

王世貞曰史記
世倅解謂武王狩
禽虎二十有二
二麋五千二百
十五犀十有二
七百二十有一
百五十有一
一十有二
五十有二
八麋五十有六
五十有八
千五百有八
征四方凡九
有九國
有萬七千七百
十有九
萬有二百三十
服國六百五十

二此雖夸大不經
之詞然武王克殷
之後封同姓及異
姓功臣數十餘國
此必有所廢滅而
一無所考豈儒不
學却以為後世無
史吾不信也
王鑿曰此段文奇
楊慎曰註中三說
皆如昧目而道黑
白者詳此文據實
事言非喻也蜚鴻
馬名言其養無用
而害有用也此說
為近

歸行狩記政事作武成。孔安國曰：封諸侯，班賜宗彝，作分殷之器。
物。鄭玄云：宗彝，宗廟禮也。作武成也。封諸侯，班賜宗彝，作分殷之器。
地理志云：弘農，陝縣有。黃帝之後於祝。正義曰：左傳云：祝，其實夾谷，杜預云：夾
焦城，故焦國也。帝舜之後於陳。正義曰：括地志云：陳州宛丘縣在陳城
之後於鄆。地理志云：鄆國。帝舜之後於陳。正義曰：括地志云：陳州宛丘縣在陳城
之後於鄆。地理志云：鄆國。帝舜之後於陳。正義曰：括地志云：陳州宛丘縣在陳城

丘曰齊。爾雅曰：水出其前而左曰營，丘郭璞曰：今齊之營，淄水過其南，乃東。正義曰：
水經註：今臨淄城中，有丘云古縣，丘之地，呂望所封，齊之都也。營丘在縣北百步
外，城中輿地志云：秦立為。封弟周公旦於曲阜曰魯。應劭曰：曲阜在魯城中，委
曲長七八里。○正義曰：帝

公奭於燕。正義曰：封帝奭之後於燕，封召公奭於燕，觀其文稍似重也。水經註云：燕則西
周武王封召公奭於燕，地在燕山之壑，故國取名焉。按周封以五等之爵，燕二國俱立
因燕山，燕丘為名，其地自立國，燕微燕盛乃并，前居之，前名遂絕焉。今幽州薊縣古燕國也。
封弟叔鮮於管。正義曰：括地志云：鄭州管城縣外，城古管國城也。周武王弟叔所封，弟叔度於蔡。正義曰：括地志

里上蔡縣古蔡國，武王封弟叔度於蔡。餘各以次受封。武王徵九牧之君，登
幽之阜，以望商邑。正義曰：括地志云：幽州三水縣西十里有幽原，周先公劉所都之
地也。幽城在此原上，因公為名，按蓋武王登此城望商邑。
武王至于周，自夜不寐。正義曰：周鑄京也。武王伐紂，還至鎬京，憂
王所曰：曷為不寐？王曰：告女，維天不饗殷，自發未生於今六十
年，麋鹿在牧。徐廣曰：此事出周書及隨巢子云。蜚鴻滿野。索隱曰：按高誘曰：蜚鴻，
野故為災，非是。鴻鴈也。隨巢子作飛拾飛拾蟲也。○正義曰：蜚音飛，古飛字也。於今猶當今於
今六十年，從帝乙十年至伐紂年也。麋鹿在牧，喻饑餓小人在朝位也。飛鴻滿野，喻忠賢君子
見放也。言紂父帝乙立後，殷國益衰，至伐紂六十年間，諸侯小人在於朝位，忠賢君子放逐
於野，故詩云：鴻鴈于飛，肅肅其羽。之子征劬勞于豈，毛長云：之子，侯伯卿士也。鄭玄云：鴻鴈
知避陰陽，寒暑喻民知去無道，就有道。天不享殷，乃今有成。索隱曰：言上天不歡享殷家，故見
維

天建殷，其登名民三百六十夫，不顯亦不賓，滅。徐廣曰：一云不顯亦不
恤也。○索隱曰：言天初建殷國，亦登進名賢之人三百六十夫，既無非大賢，未能興化，致理故
殷家不大光昭，亦不即擯滅，以至于今也。亦見周書及隨巢子，願復脫錯而劉氏首改六為古
其字義亦無所通。徐廣云：一本作不顯亦不賓，蓋是學者以周書及隨
巢不同，遂音改耳。隨巢子曰：天鬼不顯亦不賓，滅天鬼，即天神也。以至今，我未定。
天保何暇寐？王曰：定天保，依天室，悉求夫惡，敗從殷王受。索隱曰：
求取夫惡人，不知天命不順，周家者，咸
敗責之，與紂同罪，故曰敗從殷王受。日夜勞來我西土。徐廣曰：一云肯來。○索隱
曰：七字連作一句讀。

按宋板及閩本
來字下有一定

字作定我西土
○王世貞曰縱馬
放牛者蓋官不
復錄為兵車用置
之民間所其耕牧
而已程大昌因其
地在河山既東取
孔穎達引杜預為
証云華山之旁尤
乏水草非長養牛
馬之地欲使自生

我維顯服及德方明正義曰服事也武王答周公云定知天之安祿我位得依天之
及我之德教施四方明行之乃可至於寢寐也宮室退除殷紂之惡日夜勞民又安定我之西土我維明於事
自此已上為至周自夜不寐周公問之故先書自洛汭延于伊汭居易毋固其
有夏之居徐廣曰夏居河南初在陽城後居陽翟○索隱曰言自洛汭及伊汭其地平易無
則居陽城為禹避商均時非之都也帝王世紀云禹封夏伯今河南陽翟是汲冢古文云
太康居斟尋亦居之桀又居之括地志云故鄆城在洛州鞏縣西南五十八里也
南望三塗北望嶽鄙顧瞻有河徐廣曰周書度邑曰武王問太公曰吾將因有
隱曰杜預云三塗在陸渾南嶽蓋河北太行山鄆都鄆謂近嶽之邑度邑周書篇名度音徒各
反○正義曰括地志云太行恒山連延東北接碣石接嶽山言北望太行恒山之邊鄆都邑也
又晉州霍山一名大岳在洛而
北山在洛東北二說皆通
粵詹維伊毋遠天室正義曰粵者審慎之辭也言審
為天室
營周居于維正義曰括地志云故王城一名河南城本郊鄆周
也
王以下十二王皆都此城至敬王乃遷都成周至赧王又居王城也帝王世紀
云王城西有郊鄆左傳云成王定鼎於郊鄆京相璠地名云郊山名鄆邑名縱馬於華
山之陽正義曰華山在華陰放牛於桃林之虛孔安國曰桃林在華山東○正
林縣西山海經云夸父之山其北有林焉名曰桃
林廣園三百里中多馬湖水出焉北流入河也
偃干戈振兵釋旅公羊傳曰示
天下不復用也武王已克殷後二年問箕子殷所以亡箕子不
忍言殷惡以存亡國宜告徐廣曰存一作前○索隱曰六字一句讀○正義曰箕
子殷人不忍言殷惡以周國之所宜言告武王為共範

自死腐儒穿鑿一
至於此不知草車
三百兩為馬千二
百足所須地幾何
可發一笑
王蓋曰存亡國宜
告此句疑有誤不
可解
陳沂曰武王亦醜
即殷紀醜醜有夏
之意也
○方苞曰馬牛皆
徵之井甸者事畢
縱使有司受而
還之也必於野外
者車徒至眾非城
邑所能容也管子
素賞於秦舟之野
期軍士亦此意又
箕子不忍言殷惡
以存亡國宜告武
王此際枯涸而
為言也餘雖再興
此存亡國也尤曠
皆有國者所宜用

武王亦醜故問以天道武王病天下未集羣公懼穆
九類武王以類
問天道
○孔安國曰周
穆故也
周公乃祓齋正義曰祓音廢又音棟齋音自為質正義曰音至周
幣告三王請代武
王武王病乃瘳也欲代武王武王有瘳後而崩徐廣曰封禪書曰武王克殷二
王定位元年歲在乙酉六年庚寅崩
東社中也○正義曰括地志云武王墓在雍州萬年縣西南二十八里畢原上也
子誦代立是為成王成王少周初定天下周公恐諸侯畔周公
乃攝行政當國管叔蔡叔羣弟疑周公與武庚作亂畔周周公
奉成王命伐誅武庚管叔放蔡叔以微子開代殷後國於宋正義
曰今宋
頗收殷餘民以封武王少弟封為衛康叔正義曰尚書洛誥云我
以居邱鄘衛之眾又多土篇序云成周既成遷殷頑民於是為東周古洛陽城也括地志云洛
陽故城在洛州洛陽縣東北二十六里周公所築即成周城也輿地志云以周地在王城東故
曰東周故王避子朝亂自洛邑東居此以其迫阨不受王都故壞翟泉而廣之按武王滅殷國
為邱鄘衛三監尹之武庚作亂周公滅之徙三監之民於成周頗收其餘眾以封康叔為衛侯
即今衛州是也孔安國云以三監之餘民國康叔
為衛侯周公懲其數叛故使賢母弟主之也
晉唐叔得嘉穀鄭玄曰二苗同獻之
成王成王以歸周公于兵所徐廣曰歸周公受禾東土魯天子之
命徐廣曰尚書序云初管蔡畔周周公討之三年而畢定故初作大
旅天子之命

余有丁曰按武王滅殷國為邯鄲衛三監尹之武庚作亂周公滅之徙三監之民於成周願收其餘眾以封康叔為衛侯即今衛州是也

增素黃曰三叔非元子也少康復國君子賢之豈獨不許武庚耶三叔誠至戚同為商之遺臣也審去就而志親狗國貨之天地鬼神而生死無憾焉周公之篤於親三叔之篤於君綱常名教均無愧者也

揚慎曰魯當從尚書作旅

周洪謨曰按書云微子之命謂肅恭神人指微子實德

誥次作微子之命孔安國曰一命之書次歸禾次嘉禾次康誥酒誥梓材安國曰皆康叔以為政之道亦如梓人之治材也其事在周公之篇周公行政七年成王長周公反政成王北面就羣臣之位成王在豐使召公復營洛邑如武王之意周公復卜申視卒營築居九鼎焉曰此天下之中四方入貢道里均作召誥洛誥成王既遷殷遺民周公以王命告作多士無佚召公為保周公為師東伐淮夷殘奄鄭玄曰奄國在淮夷之北○正義曰奄音於險反括地志云泗水徐城縣北三十里古徐國即淮夷也兗州曲阜縣奄至即奄國之地也遷其君薄姑馬融曰齊地○正義曰括地志云薄姑故城在青川成王自奄歸在宗周正義曰伐奄歸鎬京也作多方孔安國曰言周家設官分職用人之法古文尚書序周既紂殷命襲淮夷歸在豐作周官孔安國曰言周家設官分職用人之法古文尚書序周興正禮樂度制於是改而民和睦頌聲興何休曰頌聲者太平歌頌之聲帝王之高致也成王既伐東夷息慎來賀王賜榮伯作賄息慎之命孔安國曰賄賜也馬融曰榮伯成王將崩懼太子釗之不在正義曰釗音招又古堯反任而針反乃命召公畢公率諸侯以相太子而立之成王既崩二公率諸侯以太子釗見於先王廟申告以文王武王之所以為王業之不易務在節儉毋多欲以篤信臨之作顧命鄭玄曰臨終出命故謂之顧命顧將去之意也太子釗遂立是為康王康王即位徧告諸侯宣告以文武之業以申之作康誥故成康之際天下安寧刑錯四十餘年不用應劭曰錯置也民不犯法無所置刑康王命作策畢公分居里成周郊孔安國曰分別民之居里異其善也作畢命康王卒子昭王瑕立昭王之時王道微缺昭王南巡狩不返卒於江上正義曰帝王世紀云昭王德衰南征濟于漢船人惡之以膠船進王王御船至中流膠液船解王及祭公俱沒于水中而崩其右幸游靡長臂且多力游振得王周人其卒不赴告諱之也立昭王子滿是為穆王穆王即位春秋已五十矣王道衰微穆王閱文武之道缺乃命伯冢申誡太僕國之政作栗命孔安國曰伯冢名也○徐廣曰誠一作部○正義曰尚書序云穆王命伯冢為周太僕正○應劭曰太僕周穆王所置蓋太御眾僕之長中大夫也復寧穆王將征犬戎徐廣曰犬戎大夫祭仲也○正義曰括地志云故祭城在鄭州管城縣東北十五里鄭大夫祭仲邑也釋例云祭城在河南上有敖倉周公後所封也祭公謀父諫曰不可先王耀德不觀兵夫兵戢而時動動則威觀則玩玩則無震韋昭曰震懼也是故

而言抱祭器歸周亦其一也

按此下節節以書名叙

按尚書中候云周公歸政于成王天下太平制禮作樂鳳凰翔庭成王援琴而歌曰鳳凰翽兮于紫庭奈何德兮以感靈顯先王兮恩澤臻臣胥樂分民以寧

按自此以後曰王道微缺曰王曰衰微曰復寧曰王室遂衰曰周室衰微皆關鍵處

呂祖謙曰穆王之命望于伯冢者深且長矣此心不繼造父為御周遊天下將必有車轍馬迹導其後者果出

增補史記平水

卷四

周本紀

十

鳳文館藏

于僕御之間抑不知伯固猶在職乎否也穆王豫知所戒憂思深長猶不免躬自路之人心操舍之无常可懼哉

周文公之頌曰韋昭曰文公周公旦之謚載戢干戈載櫜弓矢唐固曰我求懿德肆于時夏允王保之韋昭曰言武王常求美德故陳其功於是夏而歌先王之於民也茂正其德而厚其性阜其財求而利其器用明利害之鄉韋昭曰鄉方也以文修之使之務利而辟害懷德而畏威故能保世以滋大昔我先王世后稷韋昭曰謂弁與不窋也以服事虞夏及夏之衰也正義曰謂太康也棄稷不務正義曰言太康棄廢稷官我先王不窋用失其官而自竄於戎狄之間不敢怠業時序其德遵修其緒徐廣曰遵一作選修其訓典朝夕恪勤守以敦篤奉以忠信奕世載德不忝前人正義曰前人謂后稷也言不窋亦世載德不忝后稷至于文王武王昭前之光明而加之以慈和事神保民無不欣喜商王帝辛大惡于民庶民不忍訖戴武王以致戎于商牧正義曰紂近郊地名牧野是故先王非務武也勤恤民隱而除其害也夫先王之制邦內甸服邦外侯服侯衛賓服韋昭曰此總言之也夷蠻要服戎翟荒服甸服者祭韋昭曰供日祭侯服者祀韋昭曰供月祀

按考要云賓服文本國語禹本紀不曰賓服而曰緩服依尚書之舊也孔穎達謂諸侯安王則

謂之幾王敬諸侯則謂之賓若乃夷蠻謂之要服孔安國謂要亦以文教也按日祭謂祭于祖考月祀謂祭于曾高時享謂享于二祧歲貢謂貢于壇擇終謂世終也按告謂以文辭告曉之地遠者罪輕也

賓服者享韋昭曰供時享要服者貢韋昭曰供歲貢荒服者土韋昭曰王事天子也日祭月祀時享歲貢終王先王之順祀也徐廣曰外傳云先王之訓有不祭則修意韋昭曰言有不貢則修名韋昭曰名謂尊卑有不王則修德韋昭曰遠人不服則修文德以來之序成而有不至則修刑韋昭曰序成謂上五者次序已成有不至則有刑罰也於是有刑不祭伐不祀征不享讓不貢告不王於是有刑罰之辟有攻伐之兵有征討之備有威讓之命有文告之辭布令陳辭而有不至則增修於德無勤民於遠是以近無不聽遠無不服今自大畢伯士之終也徐廣曰犬戎氏以其職來王天子曰正義曰祭公穆王之意故云天子曰予必以不享征之且觀之兵無乃廢先王之訓而王幾頓乎正義曰幾音祈吾聞大戎樹敦徐廣曰樹一作檟按韋昭曰樹立也言犬戎率舊德而守終純固其有以禦我矣王遂征之得四白狼四白鹿以歸自是荒服者不至諸侯有不睦者甫侯言於王作

曾補已記平水

卷四

周本紀

十一

鳳文官

名模並姑絲即此
異禽惟獸足規穆
王之不德矣
呂祖謙曰世衰則
情偽繁人老則經
歷熟穆王之時文
武成康之澤浸微
茲究口勝其作書
于既蓋閱世故而
察物情者亦熟矣
故古今狂獄言之
略盡用刑者所宜
盡心焉是書哀矜
明練固夫子存以
示後世而微見其
意者亦不可不察
也
增夏撰曰每條必
言閱實其罪恐所
者或不詳其意止
閱驗核實其一而
忽其他故不嫌其
費辭也
按倍灑與倍徒
同
增夏撰曰上言罰

修刑辟。鄭玄曰書說云周
主曰吁來有國有土告汝祥刑。孔安國曰告汝
在令爾安百姓何擇非其人。王肅曰訓以安百姓之道當何所
刑何居非其宜與。孔安國曰當何所敬非唯五刑乎。兩造具備。徐廣曰造
聽五辭。孔安國曰兩謂囚證至也兩至具備則眾獄官聽其入五刑辭。正義曰漢書
直則言繁目不直則視眈耳不直則對
答惑色不直則貌絕氣不直則數喘也。五辭簡信正於五刑。孔安國曰五辭簡核信
矣。五刑不簡止於五罰。孔安國曰不簡核謂不應五
過。孔安國曰不服不應罰也。五過之疵官獄內獄閱實其罪。孔安國曰使與
正於五過從赦免之。惟鈞其過。馬融曰以此五過出
貨惟來今此似關少或從省文。惟鈞其過。入人罪與犯法者等。五刑之疑有
赦五罰之疑有赦其審克之。孔安國曰刑疑赦從罰疑赦從
惟訊有稽。孔安國曰簡核誠信有合眾心惟察其貌有所
孔安國曰無簡核誠信不聽治
其獄當嚴敬天威無輕用刑。黥辟疑赦其罰百率。徐廣曰率即釵也音刷孔安國
曰錢黃鐵鑄亦六兩故馬融曰鑄
量名與呂刑錢同舊本率亦作選。閱實其罪劓辟疑赦其罰倍灑。徐廣曰一
曰徒孔安國曰倍百為二百錢
也。索隱曰灑音戾徒音所解及。閱實其罪贖辟疑赦其罰倍差。馬融曰倍一百
為四百錢也差

下言刑者罪實而
加以法謂之刑罪
疑而贖以金謂之
罰五見其義以明
刑罰之條其數不
同也
柳宗元曰康公之
母誠賢耶則宜以
淫荒失度命其子
焉用懼之以數且
以德大而後堪則
納三女之奔者德
果何如若曰勿受
之則可矣教子而
媚王以女非正也
左氏以滅密徵之
無足取者
黃省會曰天子一
娶九女所以重國
廣繼嗣也九文者
法地有九州承天
之施無所不生也
一娶者娶而無再
恐其并德嗜色防
淫佚也天子且然
況其下采密康公

者又加四百之三分一凡五百三十三三分一也。正義曰倍中之差二百去三分一
合三百三十三釵二兩也官刑其罰五百贖刑既輕其數豈加故知孔馬之說非也。閱實
其罪宮辟疑赦其罰五百率。徐廣曰一
千率閱實其罪墨罰之屬千劓罰之屬千贖罰之屬五百官罰
之屬三百大辟之罰其屬二百五刑之屬三千命曰甫刑穆王
立五十五年崩子共王絜扈立。索隱曰世
本伊扈
從。韋昭曰康公密國之君姬姓也。正義曰括地志云
陰密故城在涇州鶡鵠縣西東接縣城故密國也。有三女奔之其母曰必
致之王。列女傳曰康
公母姓槐氏。夫獸三為羣。人三為眾。女三為祭。王田不取
羣。正義曰曹大家云羣眾祭皆多之名也田
獵得三獸王不盡收以其害深也。公行不下眾。正義曰曹大家云公諸侯
王御不參一族。韋昭云御婦官也參三也一族一父子
也故取姪姪以備三不參一族之女也。夫祭美之物也眾以
美物歸女而何德以堪之王猶不堪况爾之小醜乎小醜備物
終必亡康公不獻一年共王滅密共王崩子懿王囂立。索隱曰
王之時王室遂衰詩人作刺。索隱曰宋忠曰懿王自鎬徙都大丘二曰懿王
崩共王弟辟方立是為孝王孝王崩諸侯復立懿王太子燹是

室家久矣又濫取
奔女以小醜備物
而勿受厥母之誠
則其覆宗宜然也
揚慎曰國語况爾
小醜語意更完足
黃省曾曰百官專
利則天下壞胥吏
也百官所操者天
子之功也胥吏所
奉者百官之政也
惟顛覆其功迷亂
其政而後貨賄崇
焉功隳政傾非壞
而何雖然百官視
天子者也胥吏視
百官者也苟天子
者承英秀親骨鯁
放通蕩融鑿則
百官砥節履史肅
矣芮良夫以榮公
專利而卜王之敗
何其洞明治亂之
原也

為夷王。正義曰紀年云三年致諸侯烹齊夷王崩子厲王胡立厲王即位
三十年好利近榮夷公大夫芮良夫諫厲王曰正義曰芮伯也王室其將
卑乎夫榮公好專利而不知大難夫利百物之所生也天地之
所載也而有專之其害多矣天地百物皆將取焉何可專也所
怒甚多而不備大難以是教王王其能久乎夫王人者將導利
而布之上下者也使神人百物無不得極韋昭曰猶曰怵惕懼怨
之來也故頌曰思文后稷克配彼天立我蒸民莫匪爾極大雅
曰陳錫載周唐固曰言文王布錫施利以載成周道也是不布利而懼難乎故能載周以
至于今今王學專利其可乎匹夫專利猶謂之盜王而行之其
歸鮮矣榮公若用周必敗也厲王不聽卒以榮公為卿士用事
王行暴虐侈傲國人謗王召公諫曰韋昭曰召康公之後穆公虎為王卿士也民不堪命
矣王怒得衛巫韋昭曰衛使監謗者正義曰監音口衛反監察也以告則
殺之其謗鮮矣諸侯不朝三十四年王益嚴國人莫敢言道路

增補史記平本
按此下俱詳見
國語

厲王喜告召公曰吾能弭謗矣乃不敢言召公
曰是鄭之也防民之口甚於防水水壅而潰傷人必多民亦如
之是故為水者決之使導為民者宣之使言故天子聽政使公
卿至於列士獻詩正義曰上瞽獻典韋昭曰典史獻書正義曰史太師
箴正義曰音針師樂大瞽賦韋昭曰無眸子曰瞽賦公矇誦韋昭曰有眸子而無見
之語也師也上箴戒之文瞽賦師也上箴戒之文瞽賦師也上箴戒之文瞽賦師也上箴戒之文
近臣盡規近臣驂僕親戚補察正義曰言親戚補王過瞽史教誨瞽史太
者艾修之韋昭曰者艾師傅也修理而後王斟酌焉是以事行而不
悖民之有口也猶土之有山川也財用於是乎出猶其有原隰
衍沃也唐固曰下平口衍衣食於是乎生口之宣言也善敗於是乎
興行善而備敗所以產財用衣食者也夫民慮之於心而宣之
於口成而行之若壅其口其與能幾何王不聽於是國莫敢出
言三年乃相與畔襲厲王厲王出奔於彘韋昭曰彘晉地漢為潞屬河東
今曰永安○正義曰括地志云

獨立庶而國本搖
伯陽曰禍成矣無
可奈何然則災發
之變見豈偶然故
哉知幾其神伯陽
以之

凌約言曰太史公
敘事每一人一事
自成一法境界自
叙叙如一段可見
又曰布幣而策告
之積而去之莫敢
發之發而觀之裸
而禱之既亂而遭
之懼而奔之執而
戮之哀而收之見
而愛之此文法之
一也後可以例觀
矣

王維楨曰自下殺
之至此見而愛之
用之字凡十有五
字而不覺復

王維楨曰自下殺
之至此見而愛之
用之字凡十有五
字而不覺復

今周德若二代之季矣其川原又塞塞必竭夫國必依山川山

崩川竭亡國之徵也川竭必山崩韋昭曰水泉不竭枯朽而崩也若國亡不過十

年數之紀也章昭曰數起於一終於十十則更故曰紀也天之所弃不過其紀是歲也三

川竭岐山崩二年幽王嬖愛褒姒宗隱曰褒國名夏同姓姒氏褒姒子為人所收褒人納之于王故曰褒姒○正義

侯女而為后後幽王得褒姒愛之欲廢申后并去太子宜臼以

褒姒為后以伯服為太子周太史伯陽讀史記曰正義曰諸國皆有史以記事故曰史

周亡矣昔自夏后氏之衰也有二神龍止於夏帝庭而言曰

余喪之二君虞翻曰龍自號褒之二先君也夏帝卜殺之與去之與止之莫吉卜

請其禱而藏之乃吉韋昭曰龍所吐沫沫龍之精氣也於是布幣而策告之韋昭曰以簡策之書

此器周比三代莫敢發之至厲王之末虞翻曰末年王流彘之歲發而觀之蔡

流于庭不可除厲王使婦人裸而諫之韋昭曰諫謹呼也唐固曰羣呼曰諫蔡化為玄

龍以入王後宮宗隱曰亦作蛻音元玄蛻蛻也後宮之童妾既亂而遭之韋昭曰毀

王之時童女謠曰檠弧箕服實亡周國韋昭曰山桑曰檠弧弓也箕木名服矢房也於是

宣王聞之有夫婦賣是器者宣王使執而戮之逃於道而見鄉

者後宮童妾所弃妖子出於路者徐廣曰妖一作天大幼少也聞其夜啼哀而

收之夫婦遂亡奔於褒褒人有罪請入童妾所弃女子者於王

王三年王之後宮見而愛之生子伯服竟廢申后及太子以褒

姒為后伯服為太子宗隱曰左傳所謂携王好命是也太子伯陽曰禍成矣無可奈

增補史記平水

卷四

周本紀

十五

鳳文館藏

揚慎曰周三十七王八百六十五年然自武王滅殷至幽王二百五十七年而昭王之時王道已微懿王之時王巡不反厲王死于此蓋此二百五十七年之內變故多矣東遷以後不足言也犬莫盛于治而治日之少如此有國者其慎之

徐廣曰後一作諂 善諛好利王用之又廢申后去太子也申疾怒與繒西夷大戎攻幽王正義曰繒自陵及國語云繒妘姓夏商後括地志云繒縣在沂州承縣古侯國尚後幽王舉燧火徵兵莫至遂殺幽王驪山下索隱曰在新豐縣南故驪戎國也舊音黎徐廣音力知反於是諸侯乃即申疾而共立故幽王太子宜臼是為平王以奉周祀平王立東遷于維正義曰即王城也平王以前號東都至敬王以後及戰國為西周也辟戎寇平王之時周室衰微諸侯彊并弱齊楚秦晉始大政由方伯周禮曰九命作伯鄭眾云長諸侯為方伯四十九年魯隱公即位五十年平王崩太子洩父蚤死正義曰父音甫立其子林是為桓王桓王十一年平王崩太子洩父蚤死正義曰父音甫立其子林是為桓王桓王與魯易許田許田天子之用事太山田也索隱曰左傳鄭伯以璧假許田卒易祊祊是鄭祀太山之田許田杜預云成王營王城有遷都之志故賜周公許田以為魯國朝宿之邑後世因而立周公別廟焉鄭桓公友周宣王之母弟封鄭有助祭泰山湯沐邑在祊鄭以天子不能復郊狩故欲以祊易許田谷從本國所近之宜也恐魯以周公別廟為疑故云已廢太山之祀而欲為魯祀周

公遜辭以有求也括地志云許田許州許昌縣南四十里有魯城周公廟在城中祊田在沂州費縣東南祊宛鄭大夫八年魯殺隱公正義曰子九命公子翬殺立桓公十三年伐鄭索隱曰在魯桓五年鄭射傷桓王桓王去歸索隱曰左傳繒高之役祝暉射王中肩是也二十三年桓王崩子莊王佗立莊王四年周公

黑肩欲殺莊王而立王子克賈逵曰莊王弟子儀也辛伯告王賈逵曰辛伯周大夫也王殺周公索隱曰左傳云初子儀有寵於桓王桓王屬諸周公辛伯諫曰並后疋嫡兩政偶國亂之本也周公不從故及於難然周公阿先王責自取誅夷辛伯正君臣之義優秀誠可識也王子克奔燕正義曰杜預云南燕姑姓也十五年莊王崩子釐王胡

齊立正義曰釐王傳釐王三年齊桓公始霸五年釐王崩子惠王闔立索隱曰世本名母涼惠王二年初莊王嬖姬姚正義曰杜預云姚姓也生子頹索隱曰莊王弟也頹有龍及惠王即位奪其大臣園以為園左傳曰大故大夫也

夫邊伯等五人作亂左傳曰五人者為國邊伯魯父也子禽祝晚也謀召燕衛師正義曰南燕滑州非城衛澶州衛南也伐惠王惠王奔溫正義曰左傳云蘇忿生十二邑桓王奪蘇子十二邑與鄭故蘇同王大夫伐惠王溫十二邑之一也杜預云河內溫縣也

已居鄭之櫟服虔曰櫟鄭六都立釐王弟頹為王樂及徧舞賈逵曰徧舞皆舞六代之樂也鄭虢君怒四年鄭與虢君伐殺王頹正義曰賈逵云鄭虢公突虢公林父也

復入惠王。惠王十年，賜齊桓公為伯。二十五年，惠王崩，子襄王
 鄭立。襄王母蚤死，後母曰惠后。左傳曰：陳嬀歸于京師，實惠后也。○正義曰：按陳國舜後嬀姓也。惠后生
 叔帶。索隱曰：惠王，子襄王弟，封於甘，故左傳稱甘昭公。○正義曰：惠王，子襄王弟，封於甘，故左傳稱甘昭公。○正義曰：惠王，子襄王弟，封於甘，故左傳稱甘昭公。叔帶，拾地志云：故甘城在洛州河南縣西南二十五里。左傳云：甘昭公，王子叔帶也。洛陽記云：河南縣西南二十五里有水出焉，北流入洛山，上有甘城，即甘公采邑也。有寵於惠王，襄王畏之。三年，叔帶與
 戎翟謀伐襄王，襄王欲誅叔帶。叔帶奔齊，齊桓公使管仲平戎
 于周，使隰朋平戎于晉。服虔曰：戎，伐周也。○正義曰：戎，伐周也。○正義曰：戎，伐周也。王以上卿禮管仲，管仲辭曰：「臣賤有司也，有天子之二守國高在。」杜預曰：國子高，天子所命為齊守，皆上卿也。若節，春
 秋來承王命，何以禮焉？賈逵曰：節，時也。王肅曰：春秋聘享之節也。陪臣敢辭。服虔曰：陪重也。諸侯之臣於天子，故曰陪臣。王曰：舅氏余嘉乃勳，賈逵曰：舅氏，言伯舅之使也。○正義曰：武王，魯太公女，為后，故呼舅氏。遠言之，我善汝有平戎之功勳。母逆朕命，管仲卒受下卿之禮而還。正義曰：杜預云：管仲不敢以職自高，卒受下卿之禮也。九年，齊桓公卒。十二年，叔帶復歸于周。左傳曰：王召之。十三年，鄭伐滑。賈逵曰：滑，姬姓之國，綱按左傳曰：滑人叛鄭而服於衛也。○正義曰：杜預云：滑，故國都河南緱氏縣，為秦所滅。時屬鄭，晉後屬周，事在晉釐公二十年。拾地志云：緱氏，故城本費城，也在洛州緱氏縣南東二十五里。王使游孫伯服請滑。賈逵曰：游孫伯服，子周大夫。鄭人囚之，鄭文公怨惠王之

金履祥曰：按五伯，桓公為盛，而周室戎狄之禍自若，王子帶以我伐周，天下之大罪也。桓公不能討而平戎于王，豈以受王子帶之奔為此姑息耶？桓公身不能容子糾而為王容叔帶，固將曲全襄王兄弟之愛，不免卒釀王室異日之禍云。

入不與厲公。厲公，服虔曰：惠王以后之盤，與鄭厲公而獨與號公王爵。○正義曰：左傳云：王以后之盤，與之號公，請器王與之爵。鄭伯由是怨王也。杜預云：后，盤帶而以鏡為飾也。爵，飲酒器也。蚌，號地，酒泉周邑。又怨襄王之與衛滑。服虔曰：滑，小國，近鄭，世服從而更違叛。鄭氏伐之，聽命後，目想於王，王以與衛。故囚伯服，王怒，將以翟伐鄭。富辰諫曰：「服虔曰：富辰，周大夫。」凡我周之東徙，晉鄭焉依，子頹之亂，又鄭之由定，今以小怨，棄之王不聽。十五年，王降翟師以伐鄭，王德翟人，將以其女為后。富辰諫曰：「平桓莊惠皆受鄭勞，王弃親親，翟不可從。」王不聽。十六年，王紕翟后，翟人來誅，殺譚伯。唐固曰：譚伯，周大夫，原國語亦云：殺譚伯，而左傳太叔之難，獲周公忌父、原伯毛、唐固、據傳文讀譚為原，然春秋有譚，何妨？此時亦仕王朝，預獲被殺國語既云：殺譚伯，故太史公依之不從。左傳說也。富辰曰：「吾數諫，不從，如是不出，主以我為讎乎？乃以其屬死之初，惠后欲立王子帶，故以黨開翟人，翟人遂入周，襄王出奔鄭。正義曰：公羊傳云：王者無外，此其言出何不能乎？母也。鄭居王于汜。杜預曰：鄭南汜，在襄城縣南。○正義曰：汜，音凡，天王出居於鄭。子帶立為王，取襄王所紕翟后，與居溫。正義曰：拾地志云：溫，故溫城，在懷州縣西三十里。漢晉為縣，本周同寇蘇忿生之邑。左傳云：周與鄭人蘇忿生，十二邑，溫其一也。地理志云：溫，縣故國，已姓蘇，忿生所封也。十七年，襄王告

黃省曾曰：傳稱平王以來，臣皆從君，于懣懣能為有無，獨辰為有力自信，哉！觀襄王初以秋師伐鄭，惟辰以為不可，至登叔隗為后，又惟辰以為不可，卒之竟遇狄禍，而播越焉。君子以其諫為忠矣。至于吁嗟慷慨，率其屬而死國之難，豈非卓然烈丈夫也哉！

急于晉，晉文公納王而誅叔帶，襄王乃賜晉文公珪鬯弓矢為伯，以河內地與晉。正義曰：晉有功賞之。以地楊樊溫原攢茅之田也。二十年，晉文公召襄王。

襄王會之河陽踐土。賈逵曰：河陽，晉之溫也。踐土，鄭地名在河內。正義曰：括地志云：故王宮在鄭州滎澤縣西北十五里，王宮城中左傳云：晉文公敗楚於城濮，至於衡雍，作王宮於踐土也。按：王城則所作在踐土，城內東北隅有踐土一十臺，東去衡雍三十餘里也。諸侯畢朝，書諱曰：天王狩于河陽。左傳曰：仲尼云：以臣召君，不可以訓。故書曰狩。二十四年，晉文公卒。三十一年，秦穆公卒。三十二年，襄王崩。子頃壬，臣立。頃王六年崩。子匡

王班立。匡王六年崩。弟瑜立。是為定王。定王元年，楚莊王伐陸渾之戎。地理志：陸渾，屬弘農郡。正義曰：渾音龜，杜預云：允姓之戎居陸渾，在秦西北。遷於伊川，左傳云：初平王之東遷也。辛有適伊川，見被髮而祭於野者，曰：不及百年，此其戎乎？其禮先亡矣。按：至禧公二十二年秋，秦晉遷陸渾之戎於伊川，計至辛有適伊川，此其戎也。括地志云：故麻城謂之蠻中，在汝州梁縣界左傳單浮餘圍蠻氏杜預云：城在河南新城。東南伊洛之戎陸渾蠻氏城也。俗以為麻蠻蠻相近故耳。按：新城今伊川縣是也。次洛，使人問九鼎。王使王孫滿應，設以辭。賈逵曰：王孫滿，周大夫也。楚兵乃去。十年，楚莊王圍鄭，鄭伯降，已而復之。十六年，楚莊王卒。二十一年，定王崩。子簡王夷立。簡王十三年，晉殺其君厲公，迎子周於周，立為

悼公。十四年，簡王崩。子靈王泄心立。靈王二十四年，齊崔杼弒其君莊公。二十七年，靈王崩。皇覽曰：靈王冢在河南城西南柏亭西周山上，蓋以靈王生而有髀而神，故謚靈王。其冢民祀之，不紀。子景王貴立。索隱曰：名貴，按國語：景王二十一年鑄大錢及無射單。穆公及冷州鳩各設辭以諫，今此不言亦其畧耳。景王十八年，后太子聖而蚤卒。二十年，景王愛子朝，欲立之。正義曰：左傳云：子朝用成周之寶珪沈於河，津人得諸河上。會崩。皇覽曰：景王冢在洛陽太倉中，杜預云：虜河求福也。珪，自水出也。按：河神不敢受故。其城并圍。景王冢也。子丐之黨與爭立，國人立長子猛為王。子朝攻殺猛，猛為悼王。晉人攻子朝而立丐，是為敬王。賈逵曰：敬王，王猛母弟也。敬王元年，晉人入于周。子朝為臣。春秋曰：子朝奔楚，皇覽曰：子朝冢在南陽西鄂縣，今西鄂是。氏自謂子朝後也。諸侯城周。十六年，子朝之徒復作亂，敬王奔于晉。十七年，晉定公遂入敬王于周。三十九年，齊田常殺其君簡公。四十一年，楚滅陳。孔子卒。四十二年，敬王崩。徐廣曰：皇甫謐曰：敬王四十四年元己卯崩，至戊也。子元王仁立。徐廣曰：世本云：元王八年崩。子定王介立。徐廣曰：世本云：元王赤也。皇甫謐曰：元王十一年癸未，三晉滅智伯，二書之若齊之管仲。十八年，崩。子元王赤立。應為貞王。索隱曰：世本云：元王赤，皇甫謐云：元王十八年崩，子元王赤立，應為貞王。周本紀

王整曰：晉人敬王始終歷十七年間，不數語而自詳盡。其城并圍。景王冢也。子丐之黨與爭立，國人立長子猛為王。子朝攻殺猛，猛為悼王。晉人攻子朝而立丐，是為敬王。敬王元年，晉人入于周。子朝為臣。諸侯城周。十六年，子朝之徒復作亂，敬王奔于晉。十七年，晉定公遂入敬王于周。三十九年，齊田常殺其君簡公。四十一年，楚滅陳。孔子卒。四十二年，敬王崩。子元王仁立。元王八年崩。子定王介立。十八年，崩。子元王赤立。應為貞王。周本紀

隰朋晉之趙衰成子樂貞子是也王維慎曰敘事明簡而整

歸有光曰王城河南在成周西即定鼎郊鄭之處平王以下十二王都敬王避子朝之亂遷成周至赧王復來居考王封其弟桓公于此是時考王又都成周故以封其弟此西周桓公也成周洛陽在王城東即遷殷頑民之處敬王以下九王都至赧王復居王城西周惠公封少子于鞮是時威烈王猶都于此故云以奉王而號東

貞定王考據二文則是元有兩名一名仁一名赤如史記則元王為定王父定王即貞王也依世本則元王是貞王子必有一乖誤然此定當為貞字誤耳豈周家有兩定王代數又非遠矣皇甫謐見此疑而不決遂彌縫史記世本之錯謬因謂為貞定王未為得也 定王十六年二晉滅智伯分有其地

二十八年定王崩 徐廣曰皇甫謐曰貞定王十年元癸亥崩壬申 長子去疾意為哀王哀王立

三月弟叔襲殺哀王而自立是為思王思王立五月少弟嵬攻

殺思王而自立是為考王此二王皆定王之子考王十五年崩

徐廣曰皇甫謐曰考哲 子威烈王午立考王封其弟于河南 正義曰帝王世弟揭於河南續周公之官是為西周桓公按自敬王遷都成周號東周也桓公都王城號西周桓公 是為桓公以續周公之官職

桓公卒子威公代立威公卒子惠公代立乃封其少子於鞮 徐廣曰子也 正義曰鞮音拱郭緣生述征記鞮縣周地鞮伯邑史記周顯王二

號東周惠公 索隱曰考王封其弟于河南為桓公卒子威公立卒子惠公立長子曰西

周惠公名班居洛陽是也 威烈王二十三年九鼎震命韓魏趙為諸侯

二十四年崩 徐廣曰皇甫謐云元丙辰崩己卯 駟案宋 子安王驕立是歲盜

殺楚聲王安王立一十六年崩 皇甫謐曰安王元庚辰崩乙巳 子烈王喜立烈王一

年周太史儋 索隱曰老子列傳云儋即老子耳又曰非也驗其年代是別人 正義曰

後殺王以前二百 年無一事以史記 獨載周室遭秦火 而滅所據獨左傳 國策耳此遷所以 深惜之也 王鞮曰又成一間 架 王鞮曰至始皇果 驗

秦孝公是 始周與秦國合而別別五百載復合 後為侯伯與周別五百載 復合時也 至昭王時西周君臣自歸受罪獻其邑三十六城合也 韋昭曰周封秦為始別謂秦仲也五百 歲謂從秦仲至孝公疆大顯王致伯與之親合也 索隱曰按周封非子為附庸邑之秦號曰 秦嬴是始合也及秦襄公始列為諸侯是別之也自秦列為諸侯至昭王五十二年西 周君臣獻邑三十六城以入於秦凡五百一十六年是合也云五百舉其大數 合十

七歲而霸王者出焉 徐廣曰從此後十七年而秦昭王必駟案韋昭曰武王昭王皆 至始皇初立政由太丘嫪毐至九年誅毐正十七年 索隱曰霸王謂始皇也自周以邑入秦 帝之後至非子未別封是合也而別者謂非子末年周封非子為附庸邑秦後二十九君至秦 孝公二年五百載周顯王致文武非於秦孝公復與之親是復合也合十七歲而霸王者出謂 從秦孝公三年至十九年周顯王致非於秦孝公是霸也孝公子惠王稱王是王者出也然五 百載者非子生秦侯已下二十八君至孝公二年都合 四百八十六年兼非子邑秦之後十四年則成五百載 十年烈王崩弟扁立 正義曰 扁邊典

是為顯王顯王五年賀秦獻公獻公稱伯九年致文武胙於 秦孝公 胙膳肉也左傳曰王使宰孔賜齊 侯胙曰天子有事于文武 二十五年秦會諸侯於周二十

六年周致伯於秦孝公三十三年賀秦惠王三十五年致文武 胙於秦惠王四十四年秦惠王稱王 正義曰秦本紀云惠王十 三年與韓魏趙並稱王 其後諸

韓听于秦亦不
異于秦也
光緒曰惡往意
不欲往也
增余有丁曰天王
狩于河陽義舉也
春秋猶且惜之掩
然居其國而召其
君冷致韓師以求
免紀綱紊亂莫此
為甚

按徐廣註引戰
國策一段今本
所無
韓始揚之實然誘
之利反得高都非
古辨之士故未易
能

聽於秦。索隱曰此史厭說韓今與周地使質於楚今秦疑楚不信周得不假道伐韓而猶聽命於秦秦召西周君。西周君惡往。故令人謂韓王曰。索隱曰按戰國策云秦召西周君將以使其攻王之南陽也。王何不出兵於南陽。周君將以為辭於秦。秦召西周君將以使其攻謂以魏兵在河南為辭。周君不入秦。秦必不敢踰河而攻南陽矣。南陽今南陽也。杜預云在晉山南以上至秦召西周君是西周君說韓今出兵河南謀秦也。東周與西周戰。韓救西周。或為東周說韓王曰。正義曰為音于偽反及或人為東周說王今按兵無出則周德韓矣。西周故天子之國。多名器重寶。王案兵毋出。可以德東周。正義曰韓按兵不出伐東周而東周甚愧韓之恩德也。而西周之寶必可以盡矣。正義曰韓出兵助西周雖不攻東周。西周魏其佐助寶器必盡歸於韓以上至東周與西周戰是或人說韓令無救西周也。王赧謂成君楚圍雍氏。徐廣曰陽翟雍氏城也。戰國策曰韓兵人西周。西周令成君辨說謂結之不合與楚圍雍氏連註。正義曰雍音於恭反。括地志云故雍城在洛州陽翟縣東北二十五里。故老云黃帝雍作杵臼所封也。按其地時屬韓也。韓徵甲與粟於東周。東周君恐。召蘇代而告之。代曰。君何患於是。臣能使韓毋徵甲與粟於周。又能為君得高都。徐廣曰今河南新城縣高都城也。索隱曰高誘云高都韓邑公屬上黨也。正義曰括地志云高都故城一名部都城在洛州伊闕縣北三十五里。周君曰。子苟能請以國聽于代。見

光緒曰是告楚
病猶以飢疲告
之也
增許相卿曰是時
周已折于秦而小
韓故欲以弊高都
得周而絕秦絕秦
則周折周折則韓
重代之策相國以
是夫以是夫

按說山訓云楚
王有白猿王自
射之則獲搏矢
而熙使養由基
射之始調弓矯
矢未發而獲獲

韓相國曰。漢書百官表曰相國秦官。駟謂韓亦有相國。然則諸國共倣秦也。索隱曰相國公仲侈也。楚圍雍氏。期三月也。今五月不能拔。是楚病也。正義曰謂楚兵弊弱也。今相國乃召甲與粟於周。是告楚病也。韓相國曰。善。使者已行矣。索隱曰已止也。代曰。何不與周高都。韓相國大怒曰。吾毋徵甲與粟於周。亦已多矣。正義曰言幸甚也。何故與周高都也。代曰。與周高都是周折而入於韓也。秦聞之。必大怒。忿周。即不通周使。是以弊高都得完周也。曷為不與。相國曰。善。果與周高都。正義曰以上至楚圍雍氏是蘇氏為東周說韓令不徵甲而得高都。三十四年。蘇厲謂周君曰。秦破韓魏。扑師武。徐廣曰扑一作什。戰國策曰秦敗魏將犀武於伊闕。北取趙。蘭離石者。地理志曰西河有趙蘭離石一縣。正義曰蘭音力乃反。括地志云離石縣今石州所理縣也。蘭近離石皆趙二邑。皆白起也。是善用兵。又有天命。今又將兵出塞攻梁。正義曰謂伊闕塞也。在洛州南十九里。伊闕山今名鍾山。鄺元注水經云兩山相對望之。若闕伊水歷其間。故謂之伊闕。按今謂之龍門。禹鑿以通水也。梁破。則周危矣。君何不令人說白起乎。曰。楚有養由基者。善射者也。去柳葉百步而射之。百發而百中之。左右觀者數千人。皆曰善射。有一夫立其旁。曰善可教射矣。養由基怒

上下之分蕩然矣
周最說秦王言攻
周之利害而不言
天王不當攻之義
是習于戰國之俗
者也

按戰國策作留
其行注留不進
也此還字恐是
遲字之誤宋本
作還

王應麟曰韓非子
云周去秦為從春
年而滅衛雖魏為
衛半載而亡是周
滅于從衛亡于衛
也

周合天下於齊則秦不王矣天下欲弊秦勸王攻周秦與天下
弊則令不行矣正義曰令音力政反秦欲攻周最說秦曰周天子之國雖有重器名寶
土地狹少不足利秦國王若攻之乃有攻天子之聲而令天下以攻天

三晉距秦周令其相國之秦以秦之輕也還其行正義曰以秦輕易
周相故相國於是

三國之情公不如急見秦王曰請為王聽東方之變秦王必重
公重公是秦重周周以取秦也齊重則固有周聚以收齊徐廣曰

是周常不失重國之交也正義曰按周聚事齊而和於齊周故得齊重今
相國又得秦重是相國收秦周聚收齊周常不

秦取韓陽城負黍與諸侯約從徐廣曰陽城有負黍聚○正義曰括地志云陽城洛州縣也負
黍亭在陽城縣西南三十五里故周邑左傳云鄭伐周負黍是

將天下銳師出伊闕攻秦正義曰
西周以

秦受其獻正義曰
謂西周

怒使將軍摎攻西周漢書百官表曰前後左右將軍皆
周末官也○正義曰摎音糾虬反西周君奔秦正義曰

歸其君於周周君王赧卒宋忠曰論曰西周武公○索隱曰非也徐以西周武公
是惠公之長子此周君即西周武公也蓋此時武公與

周民遂東亡秦取九鼎寶器而遷西周公於巢王赧皆卒故連言也○正義曰劉伯莊云赧是惠公之甚輕微危弱寄住東西足為赧赧故號
之曰赧帝王世紀云名誕雖居天子之位號為諸侯之所役逼與家人無異名負責於民無以
得歸乃上臺避之故周
人名其臺曰逃責臺

後七歲秦莊襄王滅徐廣曰惠音暉惠狐聚與陽人聚相近在洛陽南百五十里梁新成之間○索隱曰西周蓋
武公之太子文公也武公卒而立為秦所遷而東周亦不知其名號戰國策雖有周文君
亦不知滅時定當何主蓋周室衰微略無紀錄故太史公雖考衆書以評其事然二國代系甚
不分明○正義曰括地志云汝州外古梁城即惠狐聚也陽人故城即陽人聚也在汝州梁縣
西四十里秦遷東周君也梁亦古梁城也在汝州梁縣西南十
五里新城今洛州伊闕縣也按惠狐陽人傍在三城之間

東西周皆入于秦周既不祀皇甫謚曰周凡
三十七王八百

太史公曰學者皆稱周伐紂居洛邑綜其貫不然武王營之成
王使召公卜居居九鼎焉而周復都豐鎬至犬戎敗幽王周乃

周本紀 二十三

東徙于洛邑。所謂周公葬我畢畢在鎬東南杜中。徐廣曰：秦滅

周漢興九十有餘載。天子將封太山東巡狩至河南求周苗裔

封其後嘉三十里地號曰周子南君。增曰：汲冢古文謂衛將軍文子為子南

如衛命于南為侯秦并六國衛最為後疑嘉是衛後故比子南而稱君也。○正義曰：括地志云

周承休城一名梁雀鳩在汝州梁縣東北二十六里帝王世紀云漢武帝元鼎四年東巡河洛

思周德乃封姬嘉三千戶地方三十里為周子南君以奉周祀元鼎三年嘉弟昭進爵為承休

侯在此城也平帝元始四年進為鄭公光武建武三年封姬觀為衛公顏師古云子南其封邑

之號故總言周子南君按自嘉以下皆姓姬氏著在史傳瓚言子南為氏恐非

比例侯以奉其先祭祀。徐廣曰：自周亡乙

辰一百四十四年漢之九十四年也漢武元鼎四年封周後也

索隱述贊曰：后稷居邠大王作周丹開雀錄火降鳥流三分既有八百不謀者兇哲象白魚

入舟犬師抱樂箕子拘囚成康之曰政簡刑措南巡不還西服莫附共和之後王室多故緊

孤興謠龍萊作蠹頰帶挂禍實頤周祚

蘇子古史曰：傳曰夏之政尚忠商之政尚質周之政尚文而仲尼亦云周監於二代郁郁乎

文哉吾從周余讀詩書歷觀唐虞至于夏商以為自生民以來天下未嘗一日而不趨於文

也文之為言猶曰萬物各得其理云爾父子君臣之間兄弟夫婦之際此文之所由起也昔

者生民之初父子無義君臣無禮兄弟不相愛夫婦不相保天下紛然而淆亂忿鬪而相苦

文理不著而人倫不明然後反而求其所安屬其父子而列其君臣聯其兄弟而正其夫婦

至於虞夏之世乃益去鄙野之制然猶以天子之尊飯土墼啜土塔三尺茅茨不剪至

於周而後大備其粗始於父子之際其精布於萬物其用甚賤而無窮蓋其當時莫不自謂

文於前世而後之人乃更以為質也後世乃以為用文之弊夫自唐虞以至於商漸而入於

也為法

也

也

也

也

也

也

也

也

也

也

史記評林卷之四終

巖谷 同校
岡千仞
石川鴻齋

史記評林卷之五

秦本紀第五

索隱曰秦雖嬴政之祖本西戎附庸之君豈以諸侯之邦而與五帝三王同稱本紀斯必不可降為秦世家

吳興凌稚隆輯校 崑山歸有光評點 溫陵李光縉增補 桐城方苞 增評

秦之先帝顓頊之苗裔孫曰女脩正義曰黃帝之孫號高陽氏女脩織玄鳥隕

卵女脩吞之生子大業索隱曰女脩顓頊之裔女吞卵子而生大業其父不著而秦趙以母族而祖顓頊非生人之義也按左傳鄰國少昊之後而嬴姓蓋其族也則秦趙宜祖少昊氏○正義曰列女傳云陶子生五歲而佐禹曹大家註云陶子者臯陶之子伯益也按此即知大業是臯陶大業取少

典之子曰女華女華生大費索隱曰扶味及一音祕尋費後以為氏則扶味反為得此即秦趙之祖嬴姓之先一名伯翳尚書謂之伯益系本漢書謂之伯益是也尋檢史記上下諸文伯翳與伯益是一人不疑而陳杞系家即叙伯翳與伯益為一未知太史公疑而未決邪抑亦謬誤爾與禹平水

土已成帝錫玄圭禹受曰非予能成亦大費為輔帝舜曰咨爾

費贊禹功其賜爾皐游索隱曰游音旒謂賜以皂色旒旒之旒色與玄玉色訓言其天功成也然其事亦當有所出爾後

嗣將大出索隱曰出猶生也言爾後嗣繁昌將大生乃妻之姚姓之玉女徐廣曰自甫謚云賜之玄玉

大費拜受佐舜調馴鳥獸鳥獸多馴服是為栢

翳舜賜姓嬴氏大費生子二人一曰大廉實鳥俗氏二曰若木

按秦本紀為戰國策所掩

按秦本紀為戰國策所掩

曾補史記評林 卷五 秦本紀 鳳文館藏

按秦本紀為戰國策所掩

按秦本紀為戰國策所掩

按秦本紀為戰國策所掩

按秦本紀為戰國策所掩

按秦本紀為戰國策所掩

按考要云古人郊禘祈嗣以玄鳥至日為候祈而適孕乃生大業耳

按考要云大戴禮少典生黃帝黃帝生昌意昌意生顓頊之孫何其子大業得上娶六世少典之子或曰少典國號或曰子者本其所自出猶左氏顓頊之子黎辛陽之才子元愷也

楊慎曰此必秦人自附會其說以神其姓裔耳與下蜚廉石棺同

相繫為舜主畜王懿曰此却是約而該處

按此挿入趙事楊慎曰蜚廉助紂

實費氏索隱曰以仲衍鳥身人言故為鳥俗氏俗一作洛若木以王父字為費氏也其玄孫曰費昌子孫或在

中國或在夷狄索隱曰殷紂時費仲即昌之後也費昌當夏桀之時去夏歸商為湯

御以敗桀於鳴條大廉玄孫曰孟戲中衍索隱曰舊解以孟戲仲衍是一人今以孟仲分字當是二人名使御而妻之自太戊以下中衍之後遂世有功正義曰謂費昌及仲衍以佐

殷國故嬴姓多顯遂為諸侯其玄孫曰中湣徐廣曰一作滑○正義曰中音仲湣音決宋忠註世本云仲滑在西戎保西垂生蜚廉蜚廉生惡來惡來有力晏子春秋曰蜚廉善走父子俱以材力事殷紂周武王之伐紂并殺惡來是時

廉善走父子俱以材力事殷紂周武王之伐紂并殺惡來是時

蜚廉為紂石北方徐廣曰皇甫謐云作石椁於北方○索隱曰石下無字則不成文意亦無所見必是史記本脫皇甫謐尚得其說徐雖引之而竟不還無所報為壇霍

太山地理志云霍太山在晉州霍邑縣按在衛州朝歌之西方也還無所報為壇霍

令處父不與殷亂而報得石棺正義曰紂既以崩無所歸報故為壇就霍太山而祭紂報云作得石棺賜爾石棺以華氏死遂葬於霍太

山皇甫謐云去魏縣十五里有冢常祠之○索隱曰言處父至忠國滅君死而不忘臣節故天賜石棺以光華其族事益非實譙周深所不信蜚廉復有

子曰季勝正義曰音外季勝生孟增孟增幸於周成王是為宅臯狼正義曰地理志云西河郡臯狼縣也臯狼生衡父衡父生造父造父以善御幸

於周繆王得驥溫驪徐廣曰溫一作盜駟案郭璞云為馬細頸驪黑色○索隱曰溫音盜徐廣亦作盜駟誕生本作駟音陶劉氏音盜盜驪也驪驪驪耳之駟郭璞曰色如華而赤今名馬驪赤者為索驪驪名竊驪為得之也驪驪驪耳之駟郭璞曰色如華而赤今名馬驪赤者為索驪驪索隱曰按穆王傳曰赤驥盜驪白義渠黃驃騊駼騊駼耳山子○正義曰驪音錄西巡

狩樂而忘歸郭璞曰紀年云穆王十七年西征於崑崙丘見西王母○正義曰括地志崑崙丘在酒泉南山即崑崙之丘也周穆王見西王母樂而忘歸即謂此有石室王母堂珠璣樓殿飾煥若神宮按肅州在西北二十九百六十里即小崑崙也非河源出處者徐

偃王作亂地理志曰臨淮有徐縣云故徐國尸子曰徐偃王有術而無骨調號偃由此君宮人有娠而生卵以為不祥弃於水濱洲孤獨母有大鵠蒼銜所弃卵以歸覆煖之乃成小兒生偃故宮人聞之更取養之及長巖為徐君後鵠蒼臨死生角而九尾化為黃龍也鵠蒼或名后蒼括地志又云徐城在越州鄞縣東南入海二百里夏侯志云翁洲北有徐偃王城傳云昔周穆王巡狩諸侯共尊偃王穆王聞之令造父御乘騶虞之馬日行千里自還討之或云命楚王師師伐之偃王乃於此處立城以終造父為繆王御長驅歸周以救亂正義曰古史考云同時去周穆王遠矣且王者行有周衛豈得救亂而獨長驅日行千里繆王以趙城封

造父徐廣曰趙城在河東永安縣○正義曰括地志云趙城今晉州趙城縣是本縣地後改曰永安即造父之邑也造父族由此為趙

何孟春曰史稱偃王行仁義諸侯歸之及敗則曰不忽聞其民乃仁義而亡國者其信然耶聞之尸子曰偃王好怪得怪魚怪獸多列于庭則知偃王之亡國而喪身必他有所致之非仁義之罪也始之歸之值天下通元

為唐孟子明言戮之海隅矣焉得天降石棺之誕

曾補史已平水

卷五

秦本紀

二

鳳文館藏

君耳非行仁義之所感也

按造父趙衰輩廉皆嬴秦之祖

一本歸周下有一日千里四字

王維楨曰若此繳提才明白不亂

余有丁曰按惡來革者豈即惡來耶

但不宜復曰蜚廉子既為武王誅死

又不宜曰早死按駘與駘同王車駕之官

氏自蜚廉生季勝已下五世至造父別居趙趙衰其後也惡來

革者蜚廉子也又死有子曰女防女防生宥臯宥臯生太几太

几生大駘大駘生非子以造父之寵皆蒙趙城姓趙氏非子居犬丘徐曰今槐里也○正義曰括地志云犬丘故城一名槐里亦曰廢丘在雍州始平縣東南

好馬十里地理志云扶風槐里縣周曰犬丘懿王都之秦更名廢丘高祖二年更名槐里也

及畜正義曰好火到反畜許救反善養息之犬丘人言之周孝王孝王召使主馬

于汧渭之間正義曰汧音臺言於一水之閒在隴州以東馬大蕃息孝王欲以為大駘適

嗣申侯之女為大駘妻生子成為適申侯乃言孝王曰昔我先

酈山之女正義曰申侯之先娶於酈山為戎胥軒妻正義曰胥軒仲衍曾孫也生中涵以親故歸

周保西垂西垂以其故和睦今我復與大駘妻生適子成申絡

重婚西戎皆服所以為王正義曰言申絡重婚重直龍及西戎皆從所以得為王王即孝王王其圖之於

是孝王曰昔伯翳為舜主畜畜多息故有土賜姓嬴今其後世

亦為朕息馬朕其分土為附庸邑之秦徐廣曰今天水隴西縣秦亭也○正義曰括地志云秦州清水縣本名秦嬴姓也十三州志云秦亭秦公是也周太史儋云始周與秦國合而別故天子邑之秦使復續嬴氏祀號曰秦嬴亦不

廢申侯之女子為駘適者以和西戎秦嬴生秦侯秦侯立十年卒生

公伯公伯立三年卒生秦仲秦仲立三年周厲王無道諸侯或

叛之西戎反王室滅犬丘大駘之族周宣王即位徐廣曰秦仲之十八年也乃

以秦仲為大夫誅西戎西戎殺秦仲秦仲立二十三年死於戎

弟五人與兵七千人使伐西戎破之於是復予秦仲後及其先

大駘地犬丘并有之為西垂大夫正義曰註水經云秦莊公伐西戎破之周宜與大駘犬丘之地為西垂大夫括地志云秦州上邦縣西南九

父曰戎殺我大父仲我非殺戎王則不敢入邑遂將擊戎讓其

弟襄公襄公為太子莊公立四十四年卒太子襄公代立襄公

元年以女弟繆嬴為豐王妻襄公二年正義曰括地志云故汧城在隴州汧源縣南三里帝王世紀云秦

戎圍犬丘世父擊之為戎人所虜歲餘復歸世

父七年春周幽王用褒姒廢太子立褒姒子為適數欺諸侯諸

王維楨曰秦仲誅西戎即小戎之詩是也而朱子乃屬襄公誤矣

毛詩序曰秦仲始大有車馬禮樂侍御之好也

宜與大駘犬丘之地為西垂大夫括地志云秦州上邦縣西南九

十里漢隴西郡縣是也

正義曰註水經云秦莊公伐西戎破之周

宜與大駘犬丘之地為西垂大夫括地志

云秦州上邦縣西南九

十里漢隴西郡縣是也

正義曰括地志云故汧城在隴州汧源縣南三里帝王世紀云秦

汧即此城

襄公二年徙都

汧即此城

襄公二年徙都

汧即此城

襄公二年徙都

王維楨曰世父之志壯哉孝矣

按周無豐王閔本作幽王蓋幽

豐字相近而又適其時作幽似

矣然幽王妻申后何以有繆嬴

侯叛之西戎犬戎與申侯伐周殺幽王酈山下而秦襄公將兵
 救周戰甚力有功周避犬戎難東徙雒邑正義曰周平王徙居王城即雒
 誥云我上澗水東澗水西者也
 襄公以兵送周平王平王封襄公為諸侯賜之岐以西之地曰
 戎無道侵奪我岐豐之地秦能攻逐戎即有其地與誓封爵之
 襄公於是始國與諸侯通使聘享之禮乃用駟黃牛羝羊各
 三徐廣曰赤馬
 黑鬃曰駟祠上帝西時徐廣曰年表云立西時祠白帝○索隱曰襄公始列為
 諸侯自以居西時西時縣名故作西時祠白帝時止也
 言神靈之所依止也亦
 音市謂為壇以祭天也
 十二年伐戎而至岐卒生文公文公元年居西
 垂宮正義曰即上西
 縣是也三年文公以兵七百人東獵四年至汧渭之會
 曰昔周邑我先秦嬴於此後卒獲為諸侯乃上居之占曰吉正義
 曰括地志云郿縣故城在岐州郿縣毛萇云秦文
 公東獵汧渭之會上居之乃營邑焉即此城也即營邑之十年初為郿時徐
 曰郿縣屬馮翊○索隱曰音敷亦縣名於郿地作時故曰郿時故封禪書曰秦文公夢黃蛇自
 天而下屬之地止於郿行史教以為神故立時也○正義曰括地志云三時原在岐州雍縣南
 二十里封禪書云秦文公作郿時襄公作
 西時靈公作吳陽上時並此原上因名也用三宰十三年初有史以紀事民
 多化者十六年文公以兵伐戎戎敗走於是文公遂收周餘民

余有丁曰秦法自
 來慘刑蓋夷狄之
 故俗也

有之地至岐岐以東獻之周十九年得陳寶索隱曰按漢書郊祀志云
 坂城祠之神來若雄雉其聲殷殷云野雞夜鳴以一宰祠之號曰陳寶又臣瓚云陳倉縣有
 寶夫人祠歲與葉君神會也蘇林云寶如石似肝云語錄○正義曰括地志云寶雞神在岐州
 陳倉縣東二十里故陳倉城中晉太康地志云秦文公時陳倉人獵得獸若雞不知名牽以獻
 之逢二童子童子曰此名為媚常在地中食死人腦即欲殺之拍其首媚亦語曰二童子名
 陳寶得雉者王得雌者霸陳倉人乃逐二童子化為雉雌上陳倉北坂為
 石秦祠之搜神記云其雄者飛至南陽其後光武起於南陽皆如其言也二十年法初
 有三族之罪張晏曰父母兄弟妻子也
 如淳曰父族母族妻族也二十七年伐南山大梓豐大特
 徐廣曰今武都故道有怒特祠圖大牛上生樹本有牛從木中出後見於豐水之中○正義曰
 括地志云大梓樹在岐州陳倉縣南十里倉山上錄異傳云秦文公時雍南山有大梓樹文公
 伐之輒有大風雨樹生合不斷時有一人病夜往山中聞有鬼語樹神曰秦若使人被髮以朱
 絲繞樹伐汝汝得不困耶樹神無言明日病人語聞公如其言伐樹斷中有一青牛走出入豐
 水中其後牛出豐水中使騎擊之不勝有騎墮地復上髮解牛畏之入不出故
 置鬻頭漢魏晉因之武都郡立怒特祠是大梓牛神也按今俗畫青牛障是四十八年
 文公太子卒賜諡為靖公徐廣曰文公之四十四
 年魯隱之元年靖公之長子為太子
 是文公孫也五十年文公卒葬西山徐廣曰皇甫謐云葬於
 西山在今隴西之西縣靖公立
 是為寧公徐廣曰
 一作曼寧公二年公徙居平陽徐廣曰郿之平陽亭○正義曰帝
 王世紀云秦寧公都平陽按岐山
 縣有陽平鄉鄉內有平陽聚括地志云平陽故城
 在岐州岐山縣西四十六里秦寧公徙都之處遣兵伐蕩社徐廣曰蕩音湯社一作
 社○索隱曰西戎之君
 號曰亳王蓋成湯之胤其邑曰蕩社徐廣云一作湯社言湯邑在社縣之界故曰湯社也○正
 義曰括地志云雍州三原縣有湯陵又有湯臺在始平縣西北八里按其國蓋在三原始平之

界三年與亳戰亳王奔戎遂滅蕩社皇甫謐云亳王號四年魯公

子翬弒其君隱公正義曰翬音暉即羽父也十二年伐蕩氏取之寧公生十歲

立立十二年卒葬西山正義曰括地志云秦寧公墓在岐州陳倉縣西北三十七

也按文公亦葬西山蓋秦陵山也生子二人長男武公為太子武公弟德公同母魯

姬子生出子正義曰德公母號魯姬子寧公卒大庶長弗忌威壘正義曰力三父

廢太子而立出子為君出子六年三父等復共令人賊殺出子

出子生五歲立立六年卒三父等乃復立故太子武公元年伐

彭戲氏正義曰戲音許宜反戎號也蓋同州彭衙故城是也至于華山下正義曰即華居平陽封宮

昧殺其君昭公索隱曰春秋魯桓公七年左傳作高渠彌也十年伐邾莒戎初縣之地理志云

邾縣應劭曰即邾戎邑也十一年初縣杜鄭地理志云京兆有鄭縣杜縣也正義曰

九里古杜伯國華州鄭縣也毛詩譜云鄭國者周畿內之地宣王封其弟於咸林之地是為鄭桓公按秦得皆縣之滅小虢班固曰西虢在雍州

地志云故虢城在岐州陳倉縣東四十里次西十餘里又有城亦名虢城與地志云此虢文王母弟虢叔所封是曰西虢按此虢滅時岐州之虢猶謂之小虢又云小虢卷之別種十

按夷三族與上初有三族之罪相叶應

三年齊人管至父連稱等殺其君襄公而立公孫無知晉滅霍

魏耿索隱曰春秋魯閔公元年左傳云晉滅魏魏滅霍又曰賜趙夙耿賜畢萬魏杜預註

霍晉州霍邑縣又春秋時霍伯國韋昭云霍姬姓也括地志云故耿城今名耿倉城在絳州龍門縣東南十二里故耿國也都城記云耿嬴姓國也齊雍廩殺無

知管至父等正義曰雍於宮及廩力甚反是雍林邑人姓名也而立齊桓公齊晉為疆國十九

年管曲沃始為晉侯索隱曰晉穆侯少子成師居曲沃號曲沃桓叔至武公稱滅晉侯緡始為晉君也齊桓公伯於

郵正義曰伯音霸二十二年武公卒葬雍平陽初以人從死從死者六十

六人有子一人名曰白不立封平陽正義曰即雍平陽也平陽時屬雍在岐州解在上也立

其弟德公德公元年初居雍城徐廣曰今屬雍在岐州解在上也大鄭宮正義曰括地志云岐州

德公大鄭宮城也以犧三百牢祠郵時上居雍後子孫飲馬於河正義曰上居雍之後

國益廣大後代子孫得東飲馬於龍門之河梁伯芮伯來朝索隱曰梁嬴姓芮姬姓梁國馮翊夏陽芮國馮

州朝邑縣南三十里又有北芮城皆古芮伯國鄭玄云周同姓之國在畿內為王卿士者左傳云桓公三年芮伯萬之母芮姜惡芮伯之多寵人故逐之出居魏今按州芮城縣界有芮國城

蓋是殷末虞芮爭田之芮國是也二年初伏孟康曰六月伏日初也周時無至此乃有之正義曰六

也曆忌釋云伏者何以金氣伏藏之日也四時代謝皆以相生立春木代水水生木立夏火代木木生火立冬水代金金生水立秋以金代火故至庚日必伏庚者金故曰伏也以

按風俗通云俗說狗別賓客善守禦故著四門以辟盜賊今人殺白犬以血題門戶辟除不祥取法于此

狗禦盜徐廣曰年表云初作伏祠社稷狗邑四門也○正義曰鹽者熱毒惡氣為傷害人於郭四門禳却熱毒氣也左傳云血蟲為蠱顛野王云穀皆積變為飛蠱也**德公生二十三年卒**

子三人長子宣公中子成公少子穆公長子宣公宣公元年

衛燕伐周正義曰衛惠公都即今衛州也燕南燕也周天王也括地志云滑州故城古南燕國應劭云南燕姑姓之國黃帝之後**出惠王立**

王子頹三年鄭伯號叔殺子頹而入惠王正義曰括地志云汝州汜水縣古東魏國亦鄭之制邑漢之成

四年作密時正義曰括地志云漢有五時在汝州雍縣南則鄭時吳陽上時下時密時比時秦文公夢黃蛇自天而下屬地其日止於鄭衍作時郊祭白帝曰鄭時秦宣公作密時於渭南祭青帝秦靈公作吳陽上時祭黃帝作下時亦祠黃帝漢高帝曰天有五帝今四何也待我而具五

其弟成公成公元年梁伯芮伯來朝正義曰括地志云同州韓城縣南二十里少梁故城古少梁國都城記云梁伯國嬴姓之後與秦同祖**齊桓公伐山戎次于孤竹**正義曰括地志云孤竹故

成公立四年卒子七人莫立立其弟繆公正義曰劉伯莊云戎號也括地志云茅津及茅城在陝州河北

繆公任好元年自將伐茅津正義曰劉伯莊云戎號也括地志云茅津及茅城在陝州河北

勝之四年迎婦於晉晉太子申生姊也其歲齊桓

公伐楚至邵陵五年晉獻公滅虞虢虢虞君與其大夫百里奚

以璧馬賂於虞故也既虜百里奚以為秦繆公夫人勝於秦百

里奚臣秦走宛地理志云南陽有宛縣○正義曰宛於元及今鄧州縣**楚鄙人執之繆公聞百里**

奚欲重贖之恐楚人不與乃使人謂楚曰吾勝臣百里奚在焉請以五羖羊皮贖之楚人遂許與之當是時百里奚年已七十餘繆公釋其囚與語國事謝曰臣亡國之臣何足問繆公曰

虞君不用子故也非子罪也固問語三日繆公大說授之國政號曰五羖大夫百里奚讓曰臣不及臣友蹇叔蹇叔賢而世莫知臣常游困於齊而乞食餽人徐廣曰餽一作銍○正義曰銍音珍栗及銍地名在沛縣**蹇叔收臣**

臣因而欲事齊君無知蹇叔止臣臣得脫齊難遂之周周王子頹好牛臣以養牛于之及頹欲用臣蹇叔止臣臣去得不誅事虞君蹇叔止臣臣知虞君不用臣臣誠私利祿爵且留再用其言得脫一不用及虞君難是以知其賢於是穆公使人厚幣迎

王維楨曰叙用百里奚蹇叔二段詞意雋永須玩之

王應麟曰秦本紀載穆公以五羖羊皮贖百里奚商鞅傳又載穆公舉之牛口之下史記所傳自相矛盾如此

之君之明也讓賢而下之臣之智也境內將服夫誰暇笑哉遂用之謀無不當舉必有功

襄叔以為上大夫秋繆公自將伐晉戰於河曲徐廣曰一作西關按公羊傳曰河千里而一也晉驪姬作亂太子申生死新城正義曰曲沃新為太子城括地志云絳州曲沃縣有曲沃故城土人以爲晉曲沃新城重耳夷吾出奔正義曰重耳奔翟夷吾奔少梁也九年齊桓公會諸侯於葵丘正義曰括地志云葵丘在曹州考城縣東南一里一百五十步郭內即桓公會處又青州臨淄縣有葵丘即傳連稱管至父所

晉獻公卒立驪姬子奚齊其臣里克殺奚齊荀息立卓子徐廣曰一作荀克又殺卓子及荀息夷吾使人請秦求入晉於是繆公許之使百里傒將兵送夷吾夷吾謂曰誠得立請割晉之河西八

城與秦正義曰謂同華等州地及至已立而使丕鄭謝秦背約不與河西城而殺里克丕鄭聞之恐因與繆公謀曰晉人不欲夷吾實欲重

耳今背秦約而殺里克皆呂甥卻芮之計也願君以利益召呂卻呂卻至則更入重耳便繆公許之使人與丕鄭歸召呂卻呂

卻等疑丕鄭有間乃言夷吾殺丕鄭丕鄭子丕豹奔秦說繆公曰晉君無道百姓不親可伐也繆公曰百姓苟不便何故能誅其大

臣此其調也正義曰調音徒聊反言能誅大臣丕鄭云是夷吾於百姓調和也劉伯莊音徒平反按調運也邪臣誅忠臣用是夷吾能調運兩通也不聽而陰用豹十二年齊管仲隰朋死晉早來請粟丕豹說繆公

勿與其飢而伐之繆公問公孫支服虔曰秦大夫公孫子桑支曰飢穰更事耳不可不與問百里傒傒曰夷吾得罪於君其百姓何罪於是

用百里傒公孫支言卒與之粟以船漕車轉自雍相望至絳賈逵曰雍秦國都絳晉國都也十四年秦飢請粟於晉晉君謀之羣臣號射曰正義曰射音石

因其飢伐之可有大功晉君從之十五年興兵將攻秦繆公發兵使丕豹將自往擊之九月壬戌與晉惠公夷吾合戰於韓

地正義曰左傳云僖公十五年秦晉戰于韓原秦獲晉侯以歸括地志云韓原在韓州韓城縣西南十八里十六國春秋云魏顆夢父結草抗秦將杜回亦在韓原晉君

棄其軍與秦爭利還而馬驚正義曰驚音致又救利反國語云晉師潰戎馬還潭而止韋昭云潭深泥也繆公

與麾下馳追之不能得晉君及為晉軍所圍晉擊繆公繆公傷

於是岐下食善馬者二百人馳冒晉軍軍解圍遂脫繆公而反生

得晉君初繆公匹善馬岐下野人共得而食之者二百餘人正義

按飢穰更事五字句法字法俱工

董份曰更事言更相有也同一勸與而美之言大

按此是謂汎舟之役

王維楨曰秦與晉粟是晉不與非是晉君終為秦虜聽臣計可不慎哉

王蓋曰不數語而兩君戰及覆如畫

日括地志云野人塢在岐州雍縣東北二十里按野人盜馬食處因名焉

吏逐得欲法之繆公曰君子不以畜

王維楨曰人種德緩急終有賴

按上兩書梁伯芮伯來朝至此書秦滅梁芮不特文字呼應有深意在

產害人吾聞食善馬肉不飲酒傷人乃皆賜酒而救之三百人者聞秦擊晉皆求從從而見繆公窘亦皆推鋒爭死以報食馬之德於是繆公虜晉君以歸令於國齋宿吾將以晉君祠上帝周天子聞之曰晉我同姓為請晉君夷吾姊亦為穆公夫人夫人聞之乃衰經跣曰妾兄弟不能相救以辱君命繆公曰我得晉君以為功今天子為請夫人是憂乃與晉君盟許歸之更舍舍而饋之七牢賈逵曰諸侯饗饋七牢牛一羊一豕一為一牢也十一月歸晉君夷吾夷吾獻其河西地使太子圉為質於秦秦妻子圉以宗女是時秦地東至河正義曰晉河西八城入秦秦東境至河即龍門河也十八年齊桓公卒二十年秦滅梁芮正義曰梁芮國皆在同州秦得其地二十二年晉公子圉聞晉君病曰梁我母家也正義曰梁芮國皆在同州秦得其地又滅二國之君而秦滅之我兄弟多即君百歲後秦必留我而晉輕亦更立他子子圉乃亡歸晉二十二年晉惠公卒子圉立為君秦怨

蘇轍曰秦穆公東平晉亂西伐諸戎有伯者之風矣然聽杞子之計遠蹇叔而用孟明千里襲鄭殺師於殺雖悔過自誓列于周書而不能東征諸夏以終成伯業於乎穆公賢君也兵一不義而幾至于狼狽不能與桓文

圍亾去乃迎晉公子重耳於楚而妻以故子圉妻重耳初謝後乃受繆公益禮厚遇之二十四年春秦使人告晉大臣欲入重耳晉許之於是使人送重耳二月重耳立為晉君是為文公文公使人殺子圉子圉是為懷公其秋周襄王弟帶以翟伐王王出居鄭正義曰王居于汜邑也二十五年周王使人告難於晉秦繆公將兵助晉文公入襄王殺王弟帶二十八年晉文公敗楚於城濮正義曰衛地也今濮州三十年繆公助晉文公圍鄭正義曰左傳云僖公三十年晉侯秦伯圍鄭杜預云文公亡過鄭鄭不禮之鄭使人言繆公曰亾鄭厚晉於晉而得矣而秦未有利晉之疆秦之憂也繆公乃罷兵歸晉亦罷二十二年冬晉文公卒鄭人有賣鄭於秦曰我主其城門鄭可襲也繆公問蹇叔百里奚對曰徑數國千里而襲人希有得利者且人賣鄭庸知我國人不有以我情告鄭者乎不可繆公曰子不知也吾已決矣遂發兵使百里奚子孟明視蹇叔子西乞術及白乙丙將兵行日

校正史言言本

卷五

鳳文館

百里傒蹇叔二人哭之繆公聞怒曰孤發兵而子沮哭吾軍何也正義曰沮自呂反沮毀也左傳云蹇叔哭之曰孟子吾見師之出不見其入也一老曰臣非敢沮君軍軍行臣

子與往臣監本作吾○正義曰與音預臣老遲還恐不相見故哭耳一老退謂其

子曰汝軍即敗必於殺阬矣正義曰殺音故交及阬音厄春秋云魯僖公二十三年晉人及姜戎敗秦師于殺括地志云二殺山

又名欽岑山在洛州永寧縣西北二十里即古之殺道也

三十二年春秦兵遂東更晉地過周北門

周王孫滿曰秦師無禮正義曰左傳云秦師過周北門左右免胄而下超乘者三

百乘王孫滿尚幼觀之言於王曰秦師輕而無禮必敗杜預云王城北門也謂過天子門

不敗何待兵至滑正義曰為八反括地志云緄氏故城在洛州緄氏縣東二十五里滑伯國也

周見秦兵恐死虜因獻其牛曰聞大國將誅鄭鄭君謹修守禦

備使臣以牛十二勞軍士秦三將軍相謂曰將襲鄭鄭今已覺

之往無及已滅滑滑晉之邊邑也當是時晉文公喪尚未葬太

子襄公怒曰秦侮我孤因喪破我滑遂黑衰絰發兵遮秦兵於

殺擊之大破秦軍無一人得脫者虜秦三將以歸文公夫人秦

女也服虔曰繆公女為秦三囚將請曰繆公之怨此三人入於骨髓願令

此三人歸公我君得自快烹之晉君許之歸秦三將三將至繆

公素服郊迎嚮三人哭曰孤以不用百里傒蹇叔言以辱三子

三子何罪乎子其悉心雪恥毋怠遂復三人官秩如故愈益厚

之三十四年楚太子商臣弑其父成王代立繆公於是復使孟

明視等將兵伐晉戰於彭衙杜預曰馮翊郿陽縣西北有衙城正義曰括地志云彭衙故城在開州白水縣東北六十里

秦不利引兵歸戎王使由余於秦正義曰戎人姓名由余其先晉人也

入戎能言聞繆公賢故使由余觀秦秦繆公示以宮室積聚

由余曰使鬼為之則勞神矣使人為之亦苦民矣繆公怪之問

曰中國以詩書禮樂法度為政然尚時亂今戎夷無此何以為

治不亦難乎由余笑曰此乃中國所以亂也夫自上聖黃帝作

為禮樂法度身以先之僅以小治及其後世日以驕淫阻法度

之威以責督於下下罷極正義曰罷音皮則以仁義怨望於上上下交爭

誤而得實則鄭國之信廢矣以不信得厚賞義者非為也遂與其屬從東夷終身不及

柯維祺曰李善注東京賦引史記謂繆公示之以宮室引之登一休之臺由余曰正國土階三八茅茨不斲家君猶謂作之者勞居之者逸此豈若鬼云云其語比此為詳今所傳史記本無之豈為後人所刪省或指秦時

增補史記評林

卷五

秦本紀

九

鳳文館

之史乎
王韋曰由余言治
類老子備殿不察
行道然能行其意
耳

余有丁曰按太史
公承傳多累節至
若傳所無雜見他
書及舊所得聞者
獨詳之以傳自成
書也
王韋曰奪其志疏
其間失其期鼎足
文法

康海曰戎使由余
親秦終竭謀慮滅
其舊疆豈鍾儀操
南音樂殺不謀燕
國之士哉秦穆公
之用由余而闢戎

怨而相篡弒至於滅宗皆以此類也夫戎夷不然上舍淳德以

遇其下下懷忠信以事其上。一國之政猶一身之治。不知所以

治。此真聖人之治也。於是繆公退而問內史廖曰。漢書百官表云內史周官也

孤聞鄰國有聖人。敵國之憂也。今由余賢寡人之害。將奈之何。

內史廖曰。戎王處辟匿。未聞中國之聲。君試遺其女樂。以奪其

其志。徐廣曰奪一作徇為由余請以疏其間。留而莫遣。以失其期。戎王怪

之。必疑由余。君臣有間。乃可虜也。且戎王好樂。必怠於政。繆公

曰。善。因與由余曲席而坐。正義曰按狀在穆公左右相連而坐謂之曲席也傳器而食。問其地

形。與其兵勢。盡登而後。令內史廖以女樂二人。遺戎王。戎王受

而說之。終年不還。於是秦乃歸由余。由余數諫不聽。繆公又數

使人間要由余。由余遂去。降秦繆公以客禮。禮之問伐戎之形

兵伐晉。渡河焚船。大敗晉人。取王官及鄙。徐廣曰左傳作郊。明案服虔曰此晉地不能無。正義曰鄙音

之用由余而闢戎
土也。夫君若臣臣
之訓矣。

按秦之詐伯穆
公之賢而秦故
強耳。世乃以焚

舟之勇為美談
不知秦晉報復
暴兵千里更四

君而不休皆孟
明啓之耳。孰謂

其有功乎晉哉
張之象曰既叙悔
過之事。又為君子

言贊之。此左氏法
也。

金履祥曰按伐滅
西戎蓋國十二此

非一時。蓋史記摭
叙于此年之下。以

見天子賜賚之由
揚循吉曰當時稱

賢君固未有出綬
公之右者。而其亡

也。三良死而黃鳥
之詩哀。或以為此

郊左傳作郊。杜預云書取言易也。杜地志云王官故城在同州澄城縣西北九十里。又云南郊故城在縣北十七里。又有北郊故城。又有西郊古城。左傳云文公三年秦伯伐晉。濟河焚舟。取王官及郊。杜地志云蒲州猗氏縣南二里。又有王官故城。亦秦伯取者。上文云秦地東至河。蓋猗氏王官是也。以報殺之役。晉人皆城

守不敢出。於是繆公乃自茅津渡河。徐廣曰茅津在太陽。正義曰杜地志云茅津在陝州河北縣太陽縣也。渡河

封殺中尸。賈逵曰封識之。正義曰左傳云秦伯伐晉。濟河焚舟。取王官及郊。杜地志云蒲州猗氏縣南二里。又有王官故城。亦秦伯取者。上文云秦地東至河。蓋猗氏王官是也。以報殺之役。晉人皆城

密哭之三日。乃誓於軍曰。嗟士卒聽無譁。余誓告汝古之人。謀

黃髮番番。正義曰音婆。字當作譚。瞻白頭貌。言髮白而更黃。故云黃髮番番。以申思謂蹇叔百里奚也。則無所過。以申思不

用蹇叔百里奚之謀。故作此誓。令後世以記余過。君子聞之。皆

為垂涕。曰。嗟乎。秦繆公之與人周也。卒得孟明之慶。三十

七年秦用由余謀伐戎王。益國十二。開地千里。遂霸西戎。天子

使召公過賀繆公以金鼓。三十九年繆公卒。葬雍。皇覽曰秦繆公冢在雍州城內。杜地志云秦穆公冢在岐州雍縣東南二里。從死者百七十七人。秦

之良臣子輿氏三人。正義曰毛萇云良善也。三善臣也。左傳云子車氏之三子。杜預云子車秦大夫氏。名曰奄息。仲

行鍼虎。亦在從死之中。正義曰行音胡。郎反。鍼音其。廉及應劭云秦穆公與羣臣飲酒。酣公曰。生共此樂。死共此哀。於是奄息仲行鍼虎許

繆公之遺命也其言過矣繆公之干其民不忍其飢而死也繆公之干秦也自悔其過不忍殺敗軍之三大夫豈以無罪之三良而命之從死必不然也惟孫秦山止責康公而不及其他此為得其情者按魏人哀三良云功名不可為忠義我所安秦穆先下世三臣皆自殘生時等榮樂既歿同憂患誰言損軀易殺身誠獨難味詩人之旨則知三良下從穆公實出其感思狗生之誼初非有遺之者然後知東坡之論所謂

諸及公薨皆從死黃鳥詩所為作也杜預云以入葬為殉也杜預志云三良冢在岐州雍縣一里故城內
詩君子曰秦繆公廣地益國東服彊晉西霸戎夷然不為諸侯盟主亦宜哉死而弃民收其良臣而從死且先王崩尚猶遺德垂法況奪之善人良臣百姓所哀者乎是以知秦不能復東征也穆公子四十人其大子營代立是為康公康公元年往歲繆公之卒晉襄公亦卒襄公之弟名雍秦出也
正義曰雍母秦女故言出秦也
晉趙盾欲立之使隨會來迎雍
正義曰韓昭云隨會晉正卿士為之孫成伯之子季武子也食采於隨范故曰隨會或曰范會字也
秦以兵送至令狐
杜預曰在河東○正義曰令音零括地志云令狐故城在蒲州猗氏縣界十五里也
晉立襄公子而反擊秦師秦師敗隨會來奔
一年秦伐晉於武城
正義曰括地志云武城一名武平城在華州鄭縣東北十三里也
報令狐之役四年晉伐秦取少梁
正義曰前入秦後歸晉今秦又取之
六年秦伐晉取羈馬
服虔曰晉之魏邑大夫○正義曰秦為亂乃使魏離餘詳反
服虔曰晉之魏邑大夫○正義曰秦為亂乃使魏離餘詳反
日雙音受又作雙音同詳音羊
合謀會詐而得會
會遂歸晉康公立十二年卒子共公立
索隱曰名假十代至靈公又並失名
共公二

三子之狗君亦猶齊二客之從田橫其說固有本也
王維棟曰上報殺之役此報令狐之役俱有收拾

年晉趙穿弒其君靈公二年楚莊王疆北兵至雒問周鼎共公立五年卒子桓公立桓公三年晉敗我一將十年楚莊王服鄭北敗晉兵於河上當是之時楚霸為會盟合諸侯二十四年晉厲公初立與秦桓公夾河而盟歸而秦倍盟與翟合謀擊晉二十六年晉率諸侯伐秦秦軍敗走追至涇而還桓公立二十七年卒子景公立
徐廣曰世本云景公名后伯車也○索隱曰景公已下名又錯亂始皇本紀作哀公
景公四年晉欒書弒其君厲公十五年救鄭敗晉兵於櫟
杜預曰晉地也○正義曰櫟音歷括地志云洛州陽翟縣古櫟邑也
是時晉悼公為盟主十八年晉悼公彊數會諸侯率以伐秦敗秦軍秦軍走晉兵追之遂渡涇至械林而還
徐廣曰械音域駟案杜預曰秦地也
二十七年景公如晉與平公盟已而背之三十六年楚公子圍弒其君而自立是為靈王景公母弟后子鍼
正義曰音鉗
有寵景公母弟富或譖之恐誅乃奔晉車重千乘晉平公曰后子富如此何以自亾對曰秦公無道畏誅欲待其後世乃歸二十九年楚靈王

王章曰以下叙秦晉之勢蓋秦之所三也

許應元曰多一表公字文氣自好

疆會諸侯於申。正義曰在鄧州南陽縣三十里為盟主。殺齊慶封。景公立四十年卒。
 子哀公立。索隱曰始皇本紀作理公后子復來歸秦。哀公八年楚公子弃疾弑靈王而自立。是為平王。十一年楚平王來求秦女為太子建妻。至國女好而自娶之。十五年楚平王欲誅建。伍子胥奔吳。晉公室界而六卿彊。欲內相攻。是以久秦晉不相攻。三十一年吳王闔閭與伍子胥伐楚。楚王亡奔隨。吳遂入郢。楚大夫申包胥來告急。正義曰包胥姓公孫封於申故號申包胥左傳云申包胥如秦乞師曰吳為封豕長蛇以荐食上國虐始於楚寡君失守社稷越在草莽使下臣告急曰夷德無厭若鄰於君疆場之患也逮吳之未定君其取分焉若楚之遂亡君之土也若以君靈撫之世以事君七日不食日夜哭泣。正義曰左傳云申包胥對秦伯曰寡君越在草莽未獲所伏下臣何敢即安立依於庭牆而哭日夜不絕聲勺飲不入口七日秦哀公為賦無衣九頃首而坐秦師出於是秦乃發五百乘救楚。正義曰左傳魯定公五年秦子蒲子虎帥師吳師歸楚昭王乃得復入郢。哀公立三十六年卒。太子夷公夷公蚤死不得立。立夷公子。是為惠公。惠公元年孔子行魯相事。五年晉卿中行范氏反晉。晉使智氏趙簡子攻之。范中行氏

亡奔齊。惠公立十年卒。子悼公立。悼公二年齊臣田乞弑其君孺子。立其兄陽生為悼公。六年吳敗齊師。齊人弑悼公。立其子簡公。九年晉定公與吳王夫差盟爭長於黃池。卒先吳。徐廣曰外傳云吳王吳疆陵中國。十二年齊田常弑簡公。立其弟平公。常相之。十三年楚滅陳。秦悼公立。十四年卒。子厲共公立。孔子以悼公十二年卒。厲共公二年蜀人來賂。十六年漸河旁。以兵二萬伐大荔。取其王城。徐廣曰今之臨晉也臨晉有王城。正義曰荔音戾括地志云同州東三十里朝邑縣東三十步故王城大荔近王城邑二十一年初縣頻陽。地理志云馮翊有頻陽縣。正義曰括地志云頻陽故城在雍州同官縣界古頻陽縣城也晉取武成。二十四年晉亂。殺智伯。分其國與趙韓魏。二十五年智開與邑人來奔。徐廣曰一本二十六年城南鄭也。正義曰開智伯子伯被趙襄子等滅其國其子與從屬來奔秦二十三年伐義渠。虜其王。應劭曰義渠北地也。正義曰括地志云寧夏二州春秋及戰國時為義渠戎國之地也。三十四年日食。厲共公卒。子躁公立。躁公二年南鄭反。正義曰南鄭今梁州所理縣春秋及戰國時其地屬於楚十三年義渠來伐。至渭南。十四年躁公卒。立其弟懷公。索隱曰厲共公子也生昭太子未立而卒太子之子是為靈公懷公

四年庶長鼂正義曰長丁丈反鼂竹遙反鼂人名也劉伯莊音潮與大臣圍懷公懷公自殺懷公

太子曰昭子蚤死大臣乃立太子昭子之子是為靈公索隱曰生

靈公懷公孫也靈公六年晉城少梁秦擊之十三年城籍姑正義

曰括地志云籍姑故地在同州韓城縣北三十五里靈公卒子獻公不得立獻公名立靈公季父悼

子是為簡公簡公昭子之弟而懷公子也索隱曰簡公榮靈公季父

生簡公諱也又紀年云簡公九年卒次敬公立十一年卒乃立惠公○正義曰劉伯莊簡公

六年令更初帶劍正義曰春秋官史灃洛城重泉地理志云重泉縣屬馮翊

志云重泉故城在同州蒲城縣東南四十五里也十六年卒徐廣曰表云子惠公立惠公十二年

子出子生十三年伐蜀取南鄭惠公卒出子立出子二年庶長

改迎靈公之子獻公于河西而立之正義曰西者秦州西縣秦之舊殺出

子及其母沈之淵旁秦以往者數易君君臣乖亂故晉復疆奪

秦河西地正義曰奪前所獻公元年徐廣曰止從死二年城櫟陽徐廣曰

今萬年是也○正義曰括地志云櫟陽故城一名萬年城在雍州東北百二十里櫟陽漢七年

王維慎曰秦獻公止從死仁哉

德元年又改曰萬四年正月庚寅孝公生十一年周太史儋見獻公
曰周故與秦國合而別別五百歲復合合七十七歲而霸王出
十六年桃冬花十八年雨金櫟陽正義曰言兩金於秦二十一年與
晉戰於石門正義曰括地志云堯門山俗名石門在雍州三原縣西北三十三里上有
路其狀若門故老云堯鑿山為門因名之武德年中於此山南置石門縣
貞觀年中改為斬首六萬天子賀以黼黻周禮曰白與黑謂之黼黑與青謂之黻二十二年與
魏晉戰少梁虜其將公孫痤正義曰在二十四年獻公卒徐廣曰表二十三年
子孝公立索隱曰名年已二十一歲矣孝公元年徐廣曰表河山

以東疆國六與齊威楚宣魏惠燕悼韓哀趙成侯泣淮泗之間

正義曰並白浪反謂淮泗二水小國十餘楚魏與秦接界正義曰楚北及魏西與秦相接北自梁

州漢中郡南有巴渝過江南有黔中巫岸也魏西界與秦相接南自華州鄭縣西北過渭水濱洛水東魏築長城自鄭濱洛

以北有上郡楚自漢中南有巴黔中周室微諸侯力政爭相併

秦僻在雍州不與中國諸侯之會盟夷翟遇之孝公於是布惠

振孤寡招戰士明功賞下令國中曰昔我穆公自岐雍之間修

增補已巳平水

卷之五

秦本紀

十三

鳳文館藏

王維慎曰叙先世穆公政績詞簡而壯

許應元曰叙孝公又自一境界按小國十餘謂魯宋邾滕等國

按太史公紀秦斬首之數凡十

一處以秦之尚首功也不言其暴而其暴自見

補歸襄川曰周太史儋語已見周記

而此重出雖當載秦紀周紀亦不可

洪邁曰七國虎爭天下莫不招致四方游士然六國所用相皆其宗族及國人獨秦不然始與謀國開伯業者魏人公孫鞅也其

德行武東平晉亂以河為界正義曰即龍門河也西霸戎翟廣地千里天子致伯諸侯畢賀為後世開業甚光美會往者厲蹀簡公出子之不寧國家內憂未遑外事三晉攻奪我先君河西地諸侯與秦醜莫大焉獻公即位鎮撫邊境徙治櫟陽且欲東伐復穆公之故地修穆公之政令寡人思念先君之意常痛於心賓客羣臣有能出奇計彊秦者吾且尊官與之分土於是乃出兵東圍陝城西斬戎之獮王地理志云天水有獮道縣應劭曰獮戎邑音桓衛鞅聞是令下西入秦因景監正義曰監甲曾反閩人也求見孝公二年天子致胙三年衛鞅說孝公變法修刑內務耕稼外勸戰死之賞罰孝公善之甘龍杜摯等弗然相與爭之卒用鞅法百姓苦之居三年百姓便之乃拜鞅為左庶長其事在商君語中七年與魏惠王會杜平正義曰在同州澄城縣界也八年與魏戰元里正義曰祁城在同州澄城縣界有功十年衛鞅為大良造將兵圍魏安邑降之地理志曰河東有安邑縣○正義曰括地志云安邑故城在絳州夏縣東北十五里本夏之都十二年作為咸

按孝公時已變封建矣

增補史記平林 卷五 秦本紀 十四 鳳文館藏

陽正義曰括地志云咸陽故城亦名渭城在雍州咸陽縣東十五里京城北四十五里即秦公徙都之者今咸陽縣古之杜郵白起死處築冀陽正義曰即象魏也秦徙都之并諸小鄉聚正義曰萬二千五百家為鄉聚猶村落之類也集為大縣

開阡陌索隱曰風俗通曰南北曰阡東西曰陌東地渡洛十四年初為賦徐廣曰制貢賦

十九年天子致伯正義曰伯音霸又如字孝公十九年天子始封爵為霸即太史公云合七十七歲而

官率師會諸侯逢澤逢澤亦名逢池在汴州浚儀縣東南十四里朝天子

十一年齊敗魏馬陵正義曰虞喜志林云濮州甄城縣東北六十餘里有馬陵澗谷深可以置伏按龐涓敗即此也二十二年

衛鞅擊魏虜魏公子卬封鞅為列侯號商君正義曰商州商洛縣在州東八十九里鞅所封也契

所封地 二十四年與晉戰鴈門索隱曰紀年云與魏戰岸門此云鴈門恐聲誤也遠至鴈門也○正義曰括地志云岸門在許州長社縣西北二十八里今名西武亭虜其將魏錯正義曰七故反孝公卒子惠文君立索隱曰名翽是歲誅衛鞅鞅之初為秦施法正義曰為子偽反法不行太子

按秦策云孝公已死惠王代後
蒞政有頃商君告歸八說惠王曰大臣太重者身危今秦婦人嬰兒皆言商君之法莫言大王之法是商君反為臣矣且大商君固大王之仇讐也願大王圖之商君歸還惠王車裂之而秦人不降按秦隱註屬首官名忍非

犯禁鞅曰法之不行自於貴戚君必欲行法先於太子太子不可黥黥其傅師於是法大用秦人治及孝公卒太子立宗室多怨鞅鞅因以為反而卒車裂以徇秦國漢書曰商君為法於秦戰勦一其爵名一為公士二上造三簪農四不更五大夫六公大夫七官大夫八公乘九五大夫十庶長十一右庶長十二左更十三中更十四右更十五少上造十六大上造十七駟車庶長十八大庶長十九關內侯二十徹侯惠文君元年楚韓趙蜀人來朝二年天子賀三年王冠正義曰冠音館禮記云年二十行冠禮也四年天子致文武胙齊魏為上索隱曰齊威王五年陰晉人犀首為大良造正義曰犀首西地理志云華陰縣故陰晉秦惠王五年更名寧秦高祖八年更名華陰犀首官名姓公孫名行○索隱曰官名若虎牙之類姓公孫名行魏人也六年魏納陰晉陰晉更名寧秦徐廣曰今龍門縣西一里八十步與魏王會應正義曰應乙陵反括地志云故應城因應山為名即古皮氏城也七年公子卬與魏戰虜其將龍賈斬首八萬八年魏納河西地地理志云二縣屬河東○正義曰波河東取之括地志云汾陰故城俗名殷湯城在蒲州汾陰縣北也皮氏在絳州九年渡河取汾陰皮氏地理志云二縣屬河東○正義曰波河東取之括地志云圍焦降之正義曰括地志云焦城在陝州城內東北百步因焦水為名周同姓所封左傳云虞虢滑霍陽翟韓魏皆姬姓也杜預云八國皆為晉所滅按十年張儀相秦魏納上郡十五縣正義曰今鄜縣等

王維楨曰後世改元倣此
王維楨曰書張儀相魏相楚秦之語計盡露矣魏楚何事乃為所愚哉

次納同丹二州今納上郡而盡河西瀆洛之地矣十一年縣義渠正義曰地理志云北地郡義渠道秦縣也括地志云寧原慶三州秦北地郡戰國及春秋時為義渠戎國之地周先公劉不密居之古西戎也歸魏焦曲沃正義曰括地志云曲沃在陝州縣西南二里因曲沃水為名按焦曲沃二城相近本魏地適屬秦今還魏故言歸也義渠君為臣更名少梁曰夏陽正義曰臘臘蓋及十二月臘日也秦惠文王始效中國為之故云初臘臘禽獸以歲終祭先祖因立此日也風俗通云禮傳云夏曰嘉平殷曰清祀周曰蜡漢改曰臘禮曰天子大蜡八伊者氏始為蜡蜡者索也歲十二月合聚萬物而索饗之十二年四月戊午魏君為王韓亦為王正義曰魏襄王使張儀伐取陝出其人與魏韓宣惠王也十三年四月戊午魏君為王韓亦為王正義曰魏襄王楚大臣會齧桑正義曰地理志云北地郡義渠道秦縣也三年韓魏太子來朝張儀相魏五年王游至北河徐廣曰戎地在河上○正義曰按王游觀北河至靈夏州之黃河也七年樂池相秦正義曰樂音岳池徒何反裴氏音他韓趙魏燕齊帥匈奴共攻秦秦使庶長疾與戰修魚虜其將申差正義曰修魚韓邑也年表云秦敗我修魚得韓將軍申差敗趙公子渴韓太子奐斬首八萬二千八年張儀復相秦九年司馬錯伐蜀滅之索隱曰蜀西南夷嘗有君長故目意娶蜀山氏女也其後有社宇自立為王號伐取趙中都西陽地理志太原有中都縣○

楊慎曰此散從之
深計
補方也曰言二國
臣屬於秦也與下
蜀相壯殺蜀侯來
降韓魏齊楚趙皆
賓從文正相類正
義丹率臣蜀為句
則下文相杜不知
何國之相且二國
臣蜀亦無為載於
秦紀蜀壯殺蜀侯
來降據九年伐蜀
滅之十一年公子

元九年取趙中都西陽安邑趙武靈王十年秦取中都安陽本紀
世家年表其縣名異年歲定同所伐唯一處故具錄之以示後學
十年韓太子蒼來
質伐取韓石章正義曰韓地名也伐敗趙將泥徐廣曰將一作莊○正義曰趙將名也伐取義渠

二十五城十一年韓里疾攻魏焦降之敗韓岸門斬首萬其將
犀首走公子通封於蜀徐廣曰是歲王報元年○索隱曰華陽國志曰報王元年秦惠王封于通國為蜀侯以陳莊為相徐廣所云亦據國志而言燕君讓其臣子之十二年王與梁王會臨晉庶長疾攻趙

虜趙將莊張儀相楚十三年庶長章擊楚於丹陽虜其將屈匄
斬首八萬又攻楚漢中取地六百里置漢中郡楚圍雍氏秦使
庶長疾助韓而東攻齊到滿助魏攻燕正義曰滿或作蒲秦將姓名也十四年伐

楚取召陵丹率臣蜀正義曰一戎號也臣伏於蜀蜀相殺蜀侯并丹率二國降秦在蜀西南桃林管內本西南夷戰國時蜀滇國唐初置州丹州也相壯殺蜀侯來降徐廣曰壯一作狀惠王卒子武王立索隱曰表云哀王○正義曰按魏惠王卒已二十五年誅蜀相壯張儀魏章皆東出之魏伐義渠丹率一年初置

丞相應劭曰丞者承也相助也韓里疾甘茂為左右丞相張儀死於魏三年與

通封於蜀則秦所
立也此年蜀相殺
蜀侯來降則故蜀
侯也史記多一事
而異書非自相抵
牾乃傳聞異辭莫
由得其實故并存
而不廢
鮑彪曰窺小視也
周室浴邑蓋欲取
之不正言耳言三
川知其志不止錫
京也

韓襄王會臨晉外正義曰外謂臨晉城外外字一作水南公揭卒韓里疾相韓武王謂
甘茂曰寡人欲容車通三川窺周室死不恨矣其秋使甘茂庶
長封伐宜陽正義曰在河南府福昌縣東十四里故韓城是也此韓之大郡伐取之三川路乃通也四年拔宜陽斬首

六萬涉河城武遂徐廣曰韓邑也○正義曰按此邑本屬韓近平陽韓世家云貞子居平陽九世至及疾徙鄭楚世家云而韓猶服事秦者以先王墓在平陽而秦之武遂去之七十里故知近平陽魏太子來朝武王有力好戲力士任鄙烏獲孟
說皆至大官土與孟說舉鼎絕膺徐廣曰一作脈○正義曰膺音頻忍反絕斷也膺脛骨也八月武

王死皇覽曰秦武王冢在扶風安陵縣西北畢陌中大家冢是也人以爲周文王冢非也周文王冢在杜中○正義曰括地志云秦悼武王陵在雍州咸陽縣西北十五里也族孟說武王取魏女為后無子立異母弟是為昭襄王索隱曰名則一名稷

昭襄母楚人姓芊氏號宣太后武王死時昭襄王為質於
燕燕人送歸得立昭襄王元年嚴君疾為相正義曰蓋封蜀郡嚴道縣因號嚴君疾名也

甘茂出之魏二年彗星見正義曰彗似歲反又先到及庶長壯與大臣諸侯公子
為逆皆誅及惠文后皆不得良死徐廣曰迎婦於楚者悼武王后出歸魏二

年王冠與楚王會黃棘正義曰棘紀力反蓋在房襄二州也與楚上庸地理志云漢中有上庸縣○正義曰括地志云

上庸今房州竹山縣及金州是也。四年取蒲坂。正義曰：括地志云：蒲坂故城在蒲州，河東縣南二里，即堯舜所都也。彗星見。五年

魏王來朝應亭。徐廣曰：魏世家云：會應亭。○正義曰：應音乙，陵反。復與魏蒲坂。六年蜀侯輝反。

索隱曰：輝音暉，華陽國志曰：秦封王子暉為蜀侯，侯祭歸於王，後母疾之，加毒以進，王大怒，使司馬錯賜輝劍，此輝不同也。司馬錯定蜀，庶長

與伐楚，斬首二萬，涇陽君質於齊。索隱曰：名市。日食，晝晦。七年拔新

城。正義曰：楚世家云：懷王二十九年，秦復伐楚，大破楚軍，楚軍死二萬，殺我將軍景缺。年表云：秦敗我襄城，殺景缺。括地志云：許州襄城縣，即古新城縣也。按世家年表則新字誤作襄。穉

穉，穉里子卒。八年使將軍芊戎攻楚，取新市。晉帝紀曰：江夏有新市縣。齊使章

子魏使公孫喜、韓使暴為其攻楚方城，取唐昧。索隱曰：暴為韓將，姓名。趙破

中山，其君亾，竟死齊。魏公子勁、韓公子長為諸侯。索隱曰：別封之邑，比之諸侯猶商君

九年孟嘗君薛文來相秦，與攻楚，取八城，殺其將景快。十

為丞相。十一年齊韓魏趙宋中山五國共攻秦。正義曰：蓋中山，此時屬趙，故云五國也。樓緩

至鹽氏而還。徐廣曰：鹽一作監。○正義曰：括地志云：鹽故城一名司鹽城，在蒲州安邑縣，按掌鹽地之官因稱氏。秦與韓魏河北

及封陵以和。正義曰：年表云：秦與魏封陵，與韓武遂以和，按河外陝，統曲次等，地封陵在古蒲坂縣西南，河曲之中，武遂平陽地也。彗星見

補左：苞曰：九年文來相秦，十年免中，間無金受相秦事，金受名別無所見，恐傳寫之誤，蓋薛文以金受免而樓緩代相耳。

楚懷王走之趙，趙不受，還之秦，即死歸葬。十二年樓緩免，穉侯

魏冉為相。正義曰：括地志云：穉侯州所理縣，即古穉侯國。予楚粟五萬石。十三年向壽伐韓，取

武始。地理志：魏郡有武始縣。○正義曰：括地志云：武始故城在洛州武始縣西南十里。左更白起攻新城。正義曰：白起傳

長將而擊韓之新城，括地志云：洛州伊闕縣本是漢新城，縣隋文帝改為伊闕，在洛州南七十里。

五大夫禮出，奔魏，任鄙為漢中守。漢書百官表：曰：郡守秦官。十四年左更白起攻韓魏於伊闕。正義曰：括地志

南十九里，注水經云：昔大禹疏龍門以通水，兩山相對，望之若關，伊水歷其間，故謂之伊闕，按今洛南猶謂之龍門也。

斬首二十四萬。虜公孫喜，拔五城。十五年犬良造白起攻魏，取垣，復予之。正義曰：垣音袁，前秦取蒲坂復

以蒲坂與魏，魏以為垣，今又取魏垣，復與之，後秦以為蒲坂皮氏。

攻楚，取宛。十六年左更錯取軹及鄧。地理志云：河南有軹縣，南陽有鄧縣。○正義曰：括地志云：故軹城在懷州濟源縣東南十三里，故鄧城在懷州河陽縣西三十一里，並六國時魏邑也。按二城相連，故云及也。冉免

封公子市、宛、公子悝、鄧。索隱曰：悝號高陵君，初封於彭，昭襄王弟也。魏冉陶為諸侯。十七

年城陽君入朝。正義曰：括地志云：濮州雷澤縣本漢郡，陽縣古郟伯姬姓之國，周武王封弟季載於郟，其後遷城之陽也。及東周君

來朝，秦以垣為蒲坂皮氏。索隱曰：為當為，易益字訛也。○正義曰：蒲坂今河東縣也，皮氏故縣在絳州龍門縣西一里八十步。王

之宜陽。十八年錯攻垣，河雍決橋，取之。正義曰：益蒲坂皮氏又歸魏，魏復以為垣，今重攻取之也。○徐廣曰：

按涇陽君卽市
語復
按古史河東上
有塚宗

按新明邑不詳
其邑或新所取
者故赦罪人遷
之

汲冢紀年云魏哀王二十四年改宜陽
曰河雍改向曰高平向在軹之西
十九年王為西帝齊為東帝皆復去

之呂禮來自歸齊破宋宋王在魏死溫任鄙卒二十年
徐廣曰有壯馬生年而死錯攻魏河內

駒王之漢中又之上郡北河二十一年
徐廣曰有壯馬生年而死錯攻魏河內

魏獻安邑秦出其人募徙河東賜爵赦罪人遷之涇陽君封宛

二十二年蒙武伐齊河東為九縣與楚王會宛與趙王會中陽

地理志西河有
中陽縣
二十三年尉斯離與三晉燕伐齊
尉斯離名也破之濟

西王與魏王會宜陽與韓王會新城二十四年與楚王會鄆
地理志云汝南有安城縣正義曰括地志云

曰鄆於建及又音偃括地志云故偃城
在襄州安養縣北三里古鄆子之國也
又會穰秦取魏安城
地理志云汝南有安城縣正義曰括地志云

安城在汝州汝陽
縣東南十七里
至大梁燕趙救之秦軍去魏冉免相二十五年拔

趙二城與韓王會新城與魏王會新明邑二十六年赦罪人遷

之穰侯冉復相二十七年錯攻楚赦罪人遷之南陽
正義曰南陽及上

白起攻趙取代光狼城
正義曰括地志云光狼故又使司馬錯發隴

西因蜀攻楚黔中
黔中府拔之二十八年大良造白起攻楚取

鄆鄧赦罪人遷之二十九年大良造白起攻楚取鄆為南郡楚

王走周君來王與楚王會襄陵
地理志云河南有襄陵縣白起為武安君二十

年蜀守若伐取巫郡
正義曰括地志云巫郡在夔州東及江南為黔中郡

三十一年白起伐魏取兩城楚人反我江南
正義曰黔中三十二

年相穰侯攻魏至大梁破暴為斬首四萬為走魏入三縣請和

三十三年客卿胡傷攻魏卷蔡陽長社取之
地理志云河南有卷縣潁川有

括地志云故卷城在鄭州原武縣西北七里即衝雍也蔡陽今豫州上蔡水之

陽破之
司馬彪曰華陽亭名在密縣○索隱曰芒卯魏將譙周云孟卯也○正義曰括地擊芒卯華

也華陽卽北城也按是時韓趙
志云故華陽城在鄭州管城縣南三十里國語云史伯對鄭桓公號鄆十邑華其一

聚兵於華陽攻秦卽此矣
徐廣曰河內修武古曰南陽秦始皇

更名河內屬魏地荆州之南陽郡本屬韓地○正義曰括地志云懷獲嘉縣卽古之南

陽杜預云在晉州山南河北故曰南陽秦破芒卯軍斬首十五萬魏入南陽以和
古曰南陽秦始皇三十

四年秦與魏韓上庸地為一郡南陽免臣遷居之三十五年佐

韓魏楚伐燕初置南陽郡
正義曰今鄆州也前已屬秦秦置南陽郡在漢水之北

賦云倍京之南
釋名云在中國之南舊名陽地故以為名焉張衡南都

居漢之陽
居漢之陽三十六年客卿竈攻齊取剛壽
正義曰括地志云故剛城在充

州龔丘縣界壽鄆州之縣

予穰侯三十八年中更胡傷攻趙閼與孟康曰音烏與邑名在上黨潁縣西○正義曰關於達及與音預閼

與聚城一名烏蘇城在潞州銅鑼縣西北二十里趙者破秦軍處又儀州和順縣即古閼與城亦云趙者破秦軍處然儀州與潞州相近二所未詳又閼與山在潞州武安縣西南五十里趙奢拒秦軍於閼與即山北也按閼與山在武安故城西南又近武安故城蓋儀州是所封故地

不能取四十年悼太子死魏歸葬芷陽徐廣曰今霸陵○正義曰括地志云芷陽在雍州藍田縣西六里三秦記云鹿原東有霸川之西坂故芷陽也四十一年夏攻

魏取邢丘懷徐廣曰邢丘在平臯駟案韓詩外傳武王伐紂到于邢丘勒兵於宿更又名邢丘曰懷宿曰修武○正義曰括地志云平臯故城本邢丘邑漢置平臯縣在懷州武德縣東南二十里故懷城四十二年安國君為太子十月宣太

后薨徐廣曰辛氏葬芷陽鄠山正義曰鄠力知反在雍州新豐縣南十四里也九月穰侯出之陶四

十二年武安君白起攻韓拔九城斬首五萬四十四年攻韓南

郡取之四十五年五大夫賁攻韓正義曰賁音奔五大夫官疑賁名也取十城葉陽云

因攻趙趙發兵擊秦相距秦使武安君白起擊大破趙於長平

四十餘萬盡殺之四十八年十月韓獻垣雍司馬彪曰河南卷縣有垣雍城秦軍分為

三軍武安君歸王齧將伐趙武安皮牢拔之司馬梗北定太原

盡有韓上黨正月兵罷復守上黨其十月五大夫陵攻趙邯鄲

四十九年正月益發卒佐陵戰不善免王齧代將其十月將

軍張唐攻魏為蔡尉指弗守還斬之正義曰為于偽反蔡姓尉名五十年十月武

安君白起有罪為士伍遷陰密如淳曰嘗有爵而以罪奪爵皆稱士伍○正義曰括地志云陰密故城在涇州鶉觚縣西即古

也密須國張唐攻鄭拔之十二月益發卒軍汾城旁正義曰括地志云臨汾故城在絳州正平縣東

北二十五里即古臨汾縣城也按汾城即此城是也

武安君白起有罪死齧攻邯鄲不拔去還奔

汾軍二月餘攻晉軍斬首六千晉楚流死河二萬人徐廣曰楚一作走○正義曰按

此時無楚軍走

攻汾城即從唐拔寧新中徐廣曰一作曼此趙邑也○正義曰唐今晉州平陽堯都也括地志云寧新中

寧新中更名安陽徐廣曰魏郡有安陽縣○正義曰今相州外城古安

陽城初作河橋正義曰此橋在同州臨晉縣東渡河至蒲州今蒲津橋也五十一年將軍摎攻韓取陽

城負黍正義曰今河南府縣也負黍亭在陽城縣西南三十五里本周邑亦時屬韓也斬首四萬攻趙取二十餘

縣首虜九萬西周君背秦正義曰武公與諸侯約從將天下銳兵出伊

闕攻秦令秦毋得通陽城於是秦使將軍摎攻西周西周君走

王應麟曰秦昭王五十二年滅周是歲漢高祖生于豐沛天道之倚伏可畏哉

曾補之曰平水

秦本紀 十九

宋無曰鼎三代寶也秦有取天下繼正統之心鼎不入秦秦之耻也鼎之入秦秦之托言也楊慎曰始皇二十八年使千人沒泗水求周鼎不獲此云九鼎入秦何耶陳寔曰夏后氏之方盛也以其九州土田之制貢賦之則錫之于鼎若曰為後世之法程夏亡而鼎入于商商亡而鼎歸于周三代相傳號稱神靈追周之季世七雄僭王私計得鼎者可以有天下若後世得國莫然者于足爭起源指之謀而周之君臣日夜

來自歸頓首受罪盡獻其邑三十六城口三萬秦王受獻歸其君於周五十二年周民東亡其器九鼎入秦正義曰秦謂寶器也禹貢象九州之物故言九鼎歷殷至周報王十九年秦昭王取九鼎然一飛入泗水餘八入於秦中周初亡五十二年天下來賓魏後秦使摻伐魏取吳城徐廣曰在太陽○正義曰括地志云廣城故城在陝州河於周之共故夏墟韓王入朝魏委國聽令五十四年王郊見上帝於雍五十六年秋昭襄王卒子孝文王立索隱曰名柱五十三而立立一年卒葬壽陵子莊襄王尊唐八子為唐太后徐廣曰八子者妾媵之號姓唐○正義曰孝文王之母也先死故傳云八子視千而合其葬於先王正義曰以其母唐太后與昭王合葬韓王衰經入弔祠諸侯皆使其將相來弔祠視喪事孝文王元年赦罪人修先王功臣褒厚親戚弛苑囿孝文王除喪十月己亥即位三日辛丑卒子莊襄王立索隱曰名子楚三十二而立立四年卒葬陽陵子始皇帝莊襄王元年大赦罪人修先王功臣施德厚骨肉而布惠於民東周君與諸侯謀秦秦使相國呂不韋誅之盡入其國秦不絕其祀以陽人地賜周君地理志云河南

端端謂夫鼎存而禍隨也遂陰計毀之其稱淪入于泗者計一時詭辭後世乃傳信之耳王應麟曰秦莊襄王元年滅東周始皇立而相弱之秦亦滅二世元年廢衛君是歲諸侯之起者五國三年而秦亡然則滅入之國者乃所以自滅也按秦稱霸之後連書曰天子使召公過賀繆公以金鼓曰天子賀以黼黻曰天子致伯曰天子賀曰天子致文武昨曰東周君來朝曰周君來曰西周走來歸而結書曰周初亡

增補已巳平水 卷五 秦本紀 二十 鳳文館藏
梁縣有陽人聚梁縣有陽人聚奉其祭祀使蒙驁伐韓韓獻成臯鞏正義曰括地志云洛州汜水縣古之鞏國亦鄭之制邑又名虎秦界至大梁初置三川郡韋昭曰有河洛伊故曰三川郡二年使蒙驁攻趙定太原三年蒙驁攻魏高都汲徐廣曰魏郡在魏州河內縣西三十二里拔之攻趙榆次新城狼孟正義曰括地志云榆次并州縣即古榆次地也新城一名小平取二十七城四月日食四年王齧攻上黨正義曰上黨又反秦故攻之初置太原郡正義曰上黨以北皆太原地即上三十七城也魏將無忌率五國兵擊秦正義曰信陵君也率燕趙韓楚魏之兵擊秦也秦卻於河外正義曰蒙驁被五國兵敗遂解而卻始皇帝索隱曰十二而立立三十七年崩葬鄜邑子二世皇帝秦王政立二十六年初并天下為三十六郡號為始皇帝始皇帝五十一年而崩子胡亥立是為二世皇帝索隱曰十二而立立三十七歲此實本紀而註別舉之以非本文耳三年諸侯並起叛秦趙高殺二世立子嬰子嬰立月餘諸侯誅之遂滅秦

皆篇中關鍵也

何大復曰夫德齊者以勢勝勢並者以德勝秦非六國非能施德也然秦以一隅之僻據河華之要開殺函之塞東向而制天下天下之矣王視其分裂而聽其宰制卒無術以禦之者德齊而彼之執行也

按此總叙秦始終興亡之變

其語在始皇本紀中

太史公曰秦之先為嬴姓其後分封以國為姓有徐氏鄭氏

氏終黎氏徐廣曰世本作鍾離應劭曰氏姓註云有姓終黎者是也運奄氏菟裘氏將梁氏黃氏江

氏修魚氏白冥氏蜚廉氏秦氏然秦以其先造父封趙城為趙

氏

索隱述贊曰拓駱佐舜皇游是旌蜚廉事紂石椁斯營造父善馭封之趙城非子息馬厥號秦嬴禮樂射御西垂有聲襄公救周始命列國金祠白帝龍祚水德祥應陳寶妖除豐特里奚致霸衛執任刻厥

蘇子古史曰三代聖人以道御天下動容貌出詞氣遠巡廟堂之上而諸侯承德四夷向風何其盛哉至其後世稍衰桓文迭興而維持之要之以盟會齊之以征伐既已早矣然春秋之後吳越放恣繼之以田常三晉之亂天下遂為戰國君臣之間非詐不言非力不用相與為盜跖之行猶恐不勝雖桓文之事且不試矣而況於文武成康之舊歟秦起於西垂與戎翟雜居本以強立富國為上其先襄公最賢詩人稱之然其所以為國者亦猶是耳詩曰藁葭蒼蒼白露為霜所謂伊人在水一方夫藁葭之方盛也蒼蒼其強勁而不適於用至於白露凝矣為霜然後堅成可施於人今夫襄公以耕戰自力而不知以禮義終成之豈不蒼然盛哉然而君子以為未成故其後世阻於為利而不知義至於商君厲之以法風俗日惡鄙詐猛暴甚於六國卒以此勝天下秦之君臣以為非是無足以服人矣當是時諸侯大者連地數千里帶甲數十萬雖使齊桓晉文假仁義挾天子以令之其勢將不能行惟得至誠之君子自修而不爭如商周之先君庶幾可以服之孟子游於齊梁以此于其君皆不能信以為詐謀奇計之所不能下長戟勁弩之所不能克區區之仁義何足以致此然魏文侯當時

之弱國也君王后齊之一婦人也魏文侯行仁義禮下賢者用卜子夏田子方段干木而秦人不敢加兵君王后用齊四十餘年事秦謹與諸侯信而齊亦未嘗受兵而況於力行仁義中心慘怛終身不懈而有不能勝者哉夫衣冠佩玉可以化強暴深居簡出可以却猛獸定心寡欲可以懷鬼神孟子曰仁不可為眾誠因秦之地用秦之民按兵自守修德以來天下彼將擁負其子而至而誰與共守惜乎其明不足以知乏竭力以勝敵敵勝之後二世而亡其數有以取之矣

史記評林卷之五 終

巖谷修

岡千仞 同校

石川鴻齋

校正身言言本

卷五

鳳文館藏

